



源平盛衰記

三十三

伊地知文庫
文庫20
412
17



源平盛衰記卷第三十一目錄

木曾登山付勢多軍事

鞍馬御幸事

平家都落事

維盛惜妻子遺事

島山兄弟賜暇事

經正參仁和寺官事

青山琵琶流泉啄木事

賴盛落留事

貞能參小松殿墓付小松大臣如法經事



源平盛衰記希卷第三十一

伊地知氏書冊

木曾登山付勢多軍事

木曾ハ山門ノ返狀ヲ見テ加賀國伴人林富樫カ一黨已
 下北陸道ノ勇士等五百餘騎ヲ引率シ大夫房覺明ヲ先
 達ニテ近江國湖ノ浦々ヨリ漕渡テ天台山ニ打登惣持
 院ノ城墾トス惡僧ニハ白井法橋幸明慈雲坊法橋寬覺
 三上阿闍梨珍慶等ヲ始トノ事ノ行シケレバ三塔九院ノ本
 衆老若モ甲冑ヲ著シ弓箭ヲ帶シテ木曾ニ同意ス其勢谷
 々ニ充滿タリ既都ヘ責入ベキト聞エテシバ新三位中將
 資盛ハ宇治ヨリ京ヘ歸入ラル勢多ノ本將軍知盛重衡
 兩人ノ内重衡卿ハ山階ヨリ引返給ケリ新中納言知盛
 卿ハ五百餘騎ニテ今夜ハ粟津浦ニ宿給タリケルカ此ヨリ



京へ歸上ラントスル處ニ。加賀國住人ニ。太田倉光等源氏
 ニ志アリテ上洛シケルガ。越前國ヨリ。兩人打連テ。北陸道ヨ
 リ海道ニ出テ。五百餘騎ニテ。勢多ク廻テ上ル程ニ。加州ノ
 輩林六郎光明已下。天台山ニト聞テ。三井寺ヨリ。志賀唐
 崎夕經テ。東坂本ニ著テ。林富樫ト一手ニ成テ。軍セント思
 勢多ノ長橋打渡。粟津濱ヲ打程ニ。新中納言五百餘騎
 ニテ返合せ宣ヒケルハ。愛ハ平家ノ公達ノ陣ノ前也。敵カ御
 方カ何者ヲ名乗テ通レト問ハレケレバ。太田倉光名乗テ。
 中々惡シカリナレトテ。馬ノ鼻ヲ引返シ。勢多ノ橋二三間ヲ
 引落メ。當國ノ一宮建部社ニ陣ヲ取。中納言宣ヒケルハ。敵
 ナレバコソ名乗ハセテ引退ラヌ。思フニ北國無案内ノ奴原
 ニツ有ラレ。追懸テ討トレトテ。追程ニ。平家ハ橋ヲ引レテ渡ス

ヘキ様ナカリケレバ。馬ヲハ西ノ橋爪ニ繫置。粟津浦ノツリ舟
 共ニコミ乘。東ノ濱ニ押渡し。勢多ノ在家ニ火ヲ懸テ攻ケレ
 ハ。源氏モ森ヨリ出合ツ。矢尻ヲツロヘテ射合タリ。北上下日ノ
 夜半計ノ事ナシ。バ。曉懸テ照ス。月ニ。夕山ノ端ヲ出子共。猛火
 地ヲ耀ノ晝ノ如シ。源平互ニ亂合テ。二時計ヲ戰タル。新中
 納言ノ侍ニ進藤瀧口俊方ト云者アリ。中納言深ク憑給
 タリケルガ。陣ニ進ニテ戰ケル程ニ。敵二三騎討取テ。我身
 モ敵ニ討レニケリ。其外死スル者十餘人。手負者ハ數ヲ不
 知。源氏方ニモ。太田次郎兼定ガ嫡子ニ。入江冠者親定ト
 云者ヲ始トメ。七八人討シヌ。疵ヲ被ル者モ多カリケリ。入替
 々々戰フ程ニ。平家ノ軍兵打レラマサレテ引退ク。知盛卿
 今ハ力及バストテ。通夜都へ入給ニケリ。太田次郎倉光冠

者兩人ハ勢多ノ軍ニ打勝テ是モ其夜ノ中ニ林富樫ヲ
相尋テ東坂本へ入ニケリ宇治勢多ノ討手都ニ歸上タリ
ケレバ平家ノ一門今ハ度ヲ失テ爲方ナレ京中ノ貴賤周
章フタメキテ肝魂モ身ニワハサリケリ

鞍馬御幸事

同二十四日未刻ニ北面ノ者一人竊ニ院御所ニ參ビテ
承旨ユツ候へト申セバ法皇何事ト御尋アリ奏レ申ケル
ハ明日己午ノ時ニ源氏等四方ヨリ數萬騎ニテ都へ責
入由聞工候間平家都ノ内ニ安堵シ難シトテ三種ノ神
器院内取進セテ明日卯刻ニ西國へ下向トテ内々出立
候ト申ケレバ法皇神妙ニ申セリ此事努ム人ニ披露有へ
カラス思召旨アリトテ其日ノ夜ニ入テ殿上人ニ右馬頭資

時討御伴ニテ北面ノ下臈ニ三人被召テ忍テ鞍馬へ御
幸ナル人是不知ケリ同日ノ小夜深ル程大臣殿ハ忍ツ
建禮門院ニ參ラセ給テ逆徒入洛ノ事日比ハ去共ト思ヒ
侍リツシ共今ハ慧スナク承候都ニテ如何ニモ成ハテント
申方モ多候へ共人々ノ御爲心苦シカルベシ筑紫ノ方へ趣
テ試ハヤトニツ思立テ候へト申ケレバ女院御涙ヲ
ハラクト流サセ御座テ鬼モ角モ能様ニコソ計ハセ給ハヌ
サテハ住ナレシ花ノ都ヲ振捨テ始タル旅ニ浮ビ立ベキニコ
ノ吉野ノ花ノ詠メ明石ノ月ヲ見人暫シト思フ旅タニモ故
郷ハ戀シトコソ聞侍ルニ歸サシラヌ波ノ上ニ浮身ヲヤトシ
コガレテ物ヲ歎カン事兼テ思フコソトテ御衣ノ袖ヲ御顔ニ
宛サセ給ソ痛シキ大臣殿ハ終夜御前ニ候ハセ給テ去方

行末ノ御物語申サセ給ケル程ニ比ハ六月ノ廿一日餘ノ事
 ナレバ。深行夜半ハ程モナク。曉懸テ出ル月雲井ノ空ニ幽
 也。五更ノ鐘ノ音コトニ今夜モ明ヌトテ打ヒ、ク何事ニ付
 テモ。御心細ゾ覺シケル。橋内左衛門尉季康ト云者アリ是
 ハ平家ノ侍也ケレ共院ニモ近ク被召仕進セケレバ。廿五
 日ニ院御所法住寺殿ニ上卧ノ候ケルニ曉程ニ常ノ御
 所ノ方。騒ガシク私語アヘリ。又女房ノ聲ニテ忍ビヤカニ泣音
 ナトシケリ。ハ何事ナルラント。曾打騒奇シク思ケレバ。忍ビ
 ツ、指足シテ立聞ケレバ。御所ニ渡ラセ給ハヌ。何地へ御幸
 成ケルヤラン。誰知進セタルラント。人ハ我ニ問。我ハ人ニ尋
 進スレ共。只泣ヨリ外ノ事ナクテ知進セタル人モナシ。季康
 淺間敷思テ不聞敢急。六波羅へ參タレバ。大臣殿夜部ヨリ

女院御所へ入セ給タリシガ未出サセ給ハスト申。臈テ女院
 御所ニ參テ角ト申入ケレバ。大臣殿ハ周章騒給テ。ヨモサア
 ラレ。僻事ニゾ有ラントハ仰ケレ共。ヤカテ法住寺殿へ馳參セ
 給テ。如何ニト尋申給ケレ共。我知進タリト申人ナシ。淨土
 寺二位殿ト申女房其時ハ舟後殿トテ。夜モ晝モ御身近
 候ハセ給ケルヨリ始テ人々。一人モ働カスマシクケルガ。只
 涙ヲ流シアキレテソ御座ケル。夜モ既ニ明ヌ。法皇失サセ給ヌ
 ト披露アリ。公卿殿上人。上下ノ北面馳參ル。御所中ノ騒
 不斜馬車馳違塵灰ヲ踏立テ。京中地ヲ返ケリ。増テ平家
 ノ人々ノ家々ニハ。敵ノ打入タラシモ限アラバ此ニハ過シト
 ソ見エケル懸リケレハ。官兵洛中ニ充浦テ幾千萬ト云事
 ヲ不知ケリ

平家都落事

去程二平家八日比法皇ヲモ西國へ御幸ナシ進セント支度
シ給タリケレ共角渡ラセ給子ハ憑ム木本ニ雨ノタマラヌ心
地シテ去トテハ行幸計成トモ有ヘシトテ卯時ノ終リニ出御
アリ御輿ヲ指寄ケレバ主上ハイマ夕幼キ御齡ナレバ何心
モナク召奉ル神璽寶劔取具シテ建禮門院御同輿ニ召ル
内侍所モ同ク渡入奉ル平大納言時忠卿庭上ニ立廻テ
印鑑時ノ簡玄上鈴鹿大床子河霧御劔以下九重ノ御
具是ニモ取落スヘカラスト下知セラレケレ共人皆アハテツ
ツ我先ニくとト出立ケレバ取落ス物多カリケリ畫ノ御座ノ
御劔モ殘留タリケルトカヤ御輿出サセ給ケレハ内大臣宗
盛公父子平大納言時忠卿父子藏人頭信基計ノ衣冠

ニテ被供奉ケリ其外ハ公卿殿上人近衛宮御繩介ノ末ニ
至ルマテ老タルモ若モ皆甲冑ヲ著シ弓箭ヲ帶ノ打立ケリ
七條ヲ西へ朱雀ヲ南へ行幸ナル唯夢ノ様ナリシ事共也
一年都遷トニ俄ニ淡立敷福原へ行幸ナリシハ懸ルベキ事
ノ驗也ケリト今コソ思合セケレハ八條西八條池殿小松
殿泉殿以下ノ人々ノ家々十六所皆火ヲ懸テ焼亡ス餘
煙數十町ニ及テ日ノ光夕ニ不見ケリ或ハ陛下誕生ノ靈
跡或ハ龍樓幼稚ノ青宮或ハ博陸補佐居所或相持恐
相舊臺ニ合槐門ノ九棘鴛鴦栖門前繁昌堂上榮花ノ砌
也キ如夢如幻強兵滅兮有荆棘姑蘇臺之露灑々暴奏
衰兮無虎狼威陽宮之煙片々タリケシ漢家三十六宮焚
項羽ガタメニ被滅ケンモ争力是ニハ過ベキトゾ覺ヘシ無常

ハ春ノ花風ニ隨テ散ズ有淮ハ暮月雲ニ伴テ隱ル誰カ榮
花ノ春ノ夢ノ如ナルヲ見テ驚サラン憶ベレ命葉ノ朝ノ露
ニ似テ易零蜂蝶ノ風ニ戯ル懇逝ノ樂ミ幾許蟻蝸ノ露ニ
器ノ合乳ノ聲語ヲ傳崑閬ノ十二樓上仙ノ取力終ニ空ニ
雖蝶ノ一萬里中洛ノ城不固多年ノ經營一時ニ魔滅シ
ス盛者必衰ノ理眼ノ前ニ遮レリ年來日來ノ振舞ハ目醒
レクコソ思シカ共サスガ角落下給フヲ見テハ貴賤悉哀ノ
淚ヲ拭ケル況ヤ住ナレシ城ヲ迷出ニツイツマツ指共ナク
旅立給ケル人々ノ心ノ中推量ラレテ無慙也當時ノ攝政
近衛殿ト申公普賢寺内大臣基通公ノ御事也太政入
道ノ御尊ニ云平家ニ親ミ給ケル上ニ法皇モ西國へ御幸
ナルベシト日比聞召ケレバ御伴申サセ給ベキニテ有ケルニ

前内大臣ヨリ行幸既ト告被申タリケレバ御出有テ御車
ヲ七條造道マテ遣ラセ給タレ共法皇ノ御幸ハナカリケリ
如何ガ有ヘキト思召煩ハセ給ケルニ御伴ニ候ケル進藤左
衛門尉高範ト云侍御車ノ前ニ進出テ供奉シ給ヘキ平
家ノ下門池殿ノ公達小松殿君達皆留給ヘリ法皇ノ御
幸モナラス去バイツクヘトテ御出ハ候ヤラン急還御有ヘキニ
コソト申近衛殿ノ仰ニハ彼一門ニムスホヲレテ年比ノ恩モ
忘レ難ク主上行幸モアリ平家ノカヘリ思ハン處如何ガ
有ベキト御氣色アリ高範牛飼ニ向テ縱主上行幸アリト
テモ御代ハ法皇ノ御代御運盡給テ外家ノ惡徒ニ引シ花
洛ヲ落サセ給ハン行幸ニ供奉セサセ給タラバ未憑モシカ
ラン御事歟トツブヤキテキト目ヲ引合セタレバ牛飼モ進ス

道ナレバ。牛ノ鼻ヲ引返シ。一梯アテタリケレハ。牛モ究竟ノ
牛ナレバ。造道ヲ上ニ東寺マテ其ヨリ大宮ヲ上ニト。飛ニ飛
テゾ還御ナル。越中二郎兵衛盛嗣カ。殿下モ落サセ給フニ
コソ。口惜御事哉。止メ奉ラントテ。片手矢ハゲテ追懸奉ル
御車ヲ延サントテ。高範返合テ散々ニ防戰。大臣殿是ヲ見
給ニヤ。盛嗣ヨ。年來ノ情ヲ忘給テ落ル程ノ人ヲバ。イカテ
モ有ナン。急ギ御供申ベキ。一門ノ人々々々ニモ見エ給ハス。況
攝政ノ御事ハ申ニヤ。及ト制シ給ケレハ。盛嗣其ヨリ引返ス。
其間ニ近衛殿ハ。遙ニ延サセ給ケルガ。御目ニ御覽レケルハ
巾童二人。車ノ左右ノ轆ニ取付テ遣ル共ナク。昇共ナレ。御
伴ニ候ケリ。牛ノ前ニハ赤衣ノ官人。春ノ日ト書タル札ヲ。樹
ノ枝ニ取具シテ。走トゾ御覽レケル誠ニ春日大明神高範ニ

入替ラセ給ツ。角計ヒ申ケルニ。コソト。感涙ヲ流サセ給ツ。
西林寺ト云寺へ入セ給タリケルガ。其ヨリ忍テ知足院へ
移ラセ給フ。人は是ヲ不知。攝政殿公吉野ノ奥トゾ申ケル

維盛惜妻子遺事

權亮三位中將ノ許へ人參テ源氏既天台山ニ打登。三
千ノ衆徒同心シテ。都へ攻入候也。其上此夜半ヨリ。法皇
モ渡ラセ給ハストテ。大臣殿ニハ駿ガセ給ス。西國へ行幸ト云
内裏ニハ武士雲霞ノ如ニ集リ。御一門皆御伴トテ御出
立アリ。如何ニ此御所へハ御使ハ候サリケルヤラント申ケリ。
二位中將ハ懸ルヘント兼テ知給。日來思儲給ヒタル事ナ
レ共。指當テハ穴心ウヤト計宣ヒテ。行幸ハ成ケレ共。妻子ノ
遺ヲ惜ミツ。只泣ヨリ外ノ事ツナキツカノ間モ離カタキ人

共ヲ憑モシキ者モナキニ誰育ミ誰隣ト云振捨出ナシ事ノ
悲サヨト宣フモ又理也此北方ト申公故中御門大納言
成親卿ノ御女也芙蓉ノ貌モ嚴多桃李ノ粧モ細ヤカニ容
顔人ニ勝レ給ヒタリケル上心ノ優ニ情深キ事モ世ニ類ナ
カリケレバナヘテノ人ニ見セン事ヲ父母勞ク思テ女御后ニ
モトゾカレヅキ給ケル天下ノ美人ト聞エケル上父新大納
言世ニ覺エイミシク時メキ榮ヘ給ケレバ哀ト思ハ又人ハナシ
法皇聞召入サセ御座テ御色ニ染ル御心アリテ忍テ度々
御書アリケレ共女房思入給フ事ノ有ケルニト是モ由ナシ
ト元引カツキテ引給テ
雲井ヨリ吹クル風ノハゲニクテ涙ノ露ノ置マサル哉
ト口スサミ給ケルモ思アル人トゾ聞エシ父大納言法皇ノ御

書ノ事聞給テ周章悦給ヘリ御所へ可進ニテ内々其用
意有ケレ共更ニ聞入給事ナシ太納言ハ大ニ本意ナキ事
ニ思ハレテ親ノ爲ニ不孝ノ人ニテオワシケルヲ今マテ父子ノ
儀ヲ思ケルコソ口惜ケレ今日ヨリ後公求ク親子ノ好ミヲハ
ナシ奉ル人參リ寄マシト誠メケレバ通フ人モナシ乳母子ニ
兵衛佐ト云女房一人ツ免レテ候ケル是ニ付テモ世ノ憂キ
事ヲ思ツバケ給ケルニヤイツモ引カツキ泣ヨリ外ノ事ツナキ
サテモ或時鬢ヲヒロケテ何トヤラシ書付テ又如元ニ引結
捨給ヘリ兵衛佐是ヲ取テヒラキ見ニ一首ノ歌也
結テシ心ノ深キモトユヒニ契レスエノホドケモヤセシ
書スサミ給ヘリ是ヲ見テコソ兵衛佐始テ思アル人トハ知ニ
ケレ色ニ出ヌル御心ノ中爭力知ベキト思テ様々諫メ申ケ

ル公如何ニ法皇ノ御書ノ候ケルニハ。御返事ハ申サセ給ハ
サリケルニヤ。女房ノ御身ニハ。加様ノ御幸ヲコソ。神ニモ祈
佛ニモ誓ヒアラマホシキ御事ニテ候。サラテハ又何事ヲ思
召イカナラシト云父御前ノ御惡ヲ蒙ラセ給ベキ。猶モ隨ヒ
オハシマサバナドカ御赦レモナクテ候ヘキ。サラバ御幸ニモナ
リ。御目出キ御事ニテ候ベシナント。細々ト口説申ケレバ。女
房涙ヲ流シ給ヒ物ノ心ヲ辨ル程ノ者。争カ父ノ仰ヲ背ベキ
ナレ共人シレス思フ事アリ。何程ナラ又夢ノ世中。盡世又思ノ
罪深カラズレバト云又引カツキテ即給ヘリ。兵衛佐ハ。如
何ナル人ノ御事ヲ思召入云角ハ仰候ツト問奉ケレ共イナ
セノ返事モナカリケレハ。童オサナクヨリ御身近ク付マテラセ
テ立去方モ侍ラ云何事モ二心ナク。深ク憑進セテコソ侍ルニ

カホトニ御心ヲ置セ給ケル事ノ悲サヨ。承タラハ憂モツラキモ
共ノ歎ニテコソ候ハメト。終夜口説奉ケレバ。理ニ折テ仰ラ
レケル公有レ殿上ノ淵醉ニ。小松左衛門佐ノ云レ言ノ有
シヲ聞入ザリシカバ。ヒタスラ穂ニ顯テ。此世一ノ事ニ非ズ可
然先世ノ契モ有ケルニヤト云。心ノ中ヲ知セケリシカバ。見ツ
メタリシニ後ノ世マテモ同心ニト云レ者ヲ。角ト聞バ如何計
歎カシズラント思ニ。心苦キツトヨト宣ヘバ。兵衛佐。勞ク御
絲惜思ツ。サル御契ノ有ケルニヤ。小松殿ヨリモ申サセ給ト
聞エシゾカシト思出テ。急ギ小松殿へ参テ。北御方ニ然々ノ
仰事ナシ申タリケレバ。絲惜事ニコソト云。三位中將ニ尋給
ヘバ。サル事有トテ急ギ車ヲ遣テ迎取奉給ヘリ。彼小松殿ノ
北方ト申公。新大納言ノ妹姫君ニハ。御姨母ナレバ。三位中

將ニハ御イトコ也年比ニモ成ケレバ男女ノ子息儲給タル
御中也男子八十歳六代御前女子ハ八ツ夜又御前トツ
申ケル共ニワリナク嚴キ御有様也時ノ間モ離レ難キ人々
ヲ。羨モシキ人モナキニ打捨出ナン事コソ悲ケレトオホスニ御
涙關敢ス。北方モ後レシト出立給ヘバ。申將ハ兼テ申侍レ
ヅカシ。具シ奉テハ御身ノ爲糸惜ケレバ只留給ヘ。維盛西
海ニ下テ水ノ底ニモ沈ミ。敵ニモ討レシヲ。親リ御覽セン事
イカ計カハ悲カルベキ露愚ノ事ハナキ物ヲ。角ナ歎給ソト
宣ヘバ。北方イカニ角ハ聞ユルゾ。後ノ世ニテモトコソ契レニ
今更打捨給フ事。心ウサヨトテ。涙モ關アヘズ。御座ケルヲ
見ルニ付テモ。爲方ナク思召ケレ共。様々ニ誘給ケル程ニ。ホ
ト經時移ケレバ。維盛ヲバ。心アル者ト。大臣殿宣ナルニ。今

迄打出參ラ子。イトサコソ思給フ。ラメトテ。泣々打出シトレ
給ヘバ。北方父モナク母モナシ。甲斐ナキ女ニ。幼少キ者共ヲ
打預。只一人。都ニ殘シ留シ。イカニセヨトテ。情ナク振捨テ出給
ソ。野末山ノ奥マデモ。相具シテ。コソ。鬼モ角モ見ナシ給ハヌ。縦
習ハヌ。旅ナリ共。此ニ捨ラレ奉テ。明暮戀シ。悲レト。晴メ思
ニヤマサルベキ。稚者共ノ便ナク。歎カン事。父ノ御身ト。ノナトカ
顧給ハサルヘキト。宣ヒテ。袖ヲ引ヘツ。人ノ聞ニモ。不憚音ヲ
立テシメキ給ヘ。イト見奔難ク思給ヘ共。サテ有ヘキ事ナラ
子ハ。重テ宣ヒケルハ。留置奉ルハ。誠ニ情ナク。コソ思召ラヌ共。
維盛。遠キ情ヲ。コメ奉テ。角ハ相計ヘル也。後ニハ。賢クモ計
テ。棄置ケリト。思召合スル御事モ。有ヘシ。若ヌイツクニ。モ落
留リ。心安キ所アラバ。必急キ迎ト。ラントスカシ。誘ヘテ出給

ハントレケル程ニ新三位中將資盛左中將清經左少
將有盛侍從忠房兼盛備中守師盛五六人ノ弟達各門
ニ打入ツ、行幸ハ遙ニ延サセ給ヒ又ラレイカニ今マテカクテ
ハ御座候ゾト宣ヒケレバ、二位中將ハ少キ者共ノ痛慕侍
ヲ誘侍程ニト元涙ニ咽テ立給ヘリ北方ハ胄ノ袖ニ取付テ
サテ打捨テ出給フニヤトテ叫給フ。若君姫君モ口共ニ左右
ノ袂ニカナグリ付テ我捨ラレシトゾ慕ヒ給フ。三位中將ハ
餘リニ無爲方被思ケレバ重藤ノ弓ノハズニテ御簾ヲサト
搔揚テ弟ノ殿原ニ是御覽セヨヤ。如何ニモ軍ノ先ヲコソ蒐
候ハズ雜者共カ遺ヲ思ハシトスレ共思ハレテ争カ情ナク
引切ベシト心弱ニ誘侍ル程ニ出兼テ侍ゾヤトテ涙ヲ流シ
給ケリ。胄ノ左右ノ草摺ニハ若君姫君取付給ヘリ鎧ノ袖

ニハ北方ト覺シクテ取付給ヘリ日來ハサレモコソツ、三忍
給シニ悲サニハ耻ヲモ忘レケルニヤ。人々ノ見アハレケルニモ
不憚悶焦給フ。弟ノ殿原是ヲ見給テ各涙ヲ流シツ、馬ノ
鼻ヲ引返シ門ニ出テソ泣給フヤ、有テ新三位中將又縁
ノキハマテテ打寄せテ御遺ハイツモ盡ヌ御情誠ニ打具シ奉
歎思召切歎御心弱モ折ニ依ベキ事ニ候兔モ角モ疾々ト
聞エケレバ、二位中將心強ク思切振捨テコソ打出ケレ。北
方雜人々後レシト慕ヒ給ヘバ中將モ心強ハ出タレ共。跡
ニ心ハ殘ケリ行モ留モ推量ラレテ哀也昔悉達太子ノ檀
特山ニ入ラントテ王宮ヲ出シニ耶輸多羅女ヲ悲テ出モヤ
ラサリケンモ角ヤト思シラレタリ彼ハ報恩ノ道ニ入。終ニ覺
ヲ開給是ハ闘戰ノ旅ニ出ツ後イカナラント無慙也侍共モ

面々ニ打出ケル其中ニ北國ニテ討レシ齊藤別當真盛ガ
子ニ齊藤五齊藤六トテ兄弟アリ。齊藤五ハ十九。齊藤六
ハ十七ニソ成ケル。二位中將此二人ヲ招寄テ。年來身近召
仕ツレバ。晚サニイツクマテモ召具シ度思ヘ共。已等ハ無官ニ
テ出仕ノ伴ナントモ世子ハ墓々敷人ニ見シラレサレバ。幼者
共ヲ留置事ノ窶ナキニ二人ハ是ニ留テ。少キ者共ノ杖柱
トモナレト宣ヘバ。兄弟二人馬ノ左右ノ承鞍ニ取付テ。何レ
モ御宮仕ハ同御事ナレバ。仰ニ隨ヒ進スベキニテ侍ドモ公
達北御方ノ御歎承リ。忍ヘレトモ覺ヘス。其上女房ノ御身
幼御事何ノ御事カハ侍ベキタ。御向後コソ覺東ナク思ヒ
進スレバ。落著世給ハシ處マデハ。御伴ニコツトテ後レ奉ラレ
ト斗ケリ中將宣ヒケル。誠二年來ノ好三ハサル事ナレ共

多者共ノ中ニ思フ様有テコソ加様ニハ云ニチドカ口惜我
云事ヲ用ヌゾ。維盛ニ隨ハンニ露劣マビト恨給ヘバ。遙ニ見
送奉リ。猶モ走付參度ハ思ケレトモ。誠ニ思召様アリテコソ
宣ラメト思ナリ。遺ハ旁々惜ケレ共。兄弟泣々歸ニケリ。二位
中將心ヅヨクハ出給タレドモ。跡ニ心ハ留テ前ヘハ更ニス。ハ
マレズ。隙ナキ涙ニ搔クレテ。行前モ又見エザリケリ。弟達ノ見
合シケルモ。サスガツ。マレク覺テサリケナクモ。テナシ給ヘドモ。
抑ル袖ノ下ヨリモ。餘テ涙ゾコボレケル。北方ハ是程ニ情ナカ
ルベレトハ。年比ハ思ハジモノヲトテ。引カヅキ卧給ヘバ。少キ人
人モ口トモニ。倒伏モタヘ焦給テリ。自數フレバ。北方二人ノ
公達ヲ拘テ。世モ怖シク道モ狭ク覺シタル上カク。打捨ラレ
給テハ。下日片時堪テ御座ベレトハ。覺サベリケレ共。ツレナク

消又露ノ身ノ日數モサスガ積ツ、年月ヲコソ被送ケレ。歎
 ニ死ナヌ理モ今コソ被思知ケレ。越中次郎兵衛盛嗣、大臣
 殿御前ニ進出テ申ケルハ、池殿ハ御留ニコソ侍共、一人モ
 見エ候ハズ。口惜侍者哉。上コソ恐レ有トモ、安カラズ存候ニ
 侍共ニ一矢射懸テ歸參ント申。大臣殿打領許給テ、サナク
 トモ有ナン。年來ノ重恩ヲ忘テイツクニモ落著ン所ヲ見置カ
 又程ノ者ヲバ、兎角ニ及バズト制レ給ケルツ、糸オシキ、サテ
 毛權亮三位、中將ハ如何ニト問給ヘハ、盛嗣小松殿ノ公達
 一所モ見エサセ給ハズト申ケルニ、大臣殿ハ池、太納言ノ様
 頼朝ニ心ヲ通スヤラント覺ユレバ、サコソハ有ラメトテ、此ニ心
 細ケニ宣ヒテ、涙ノコホレケルヲ押拭給ケルハ、人々モ鎖ノ袖
 ヲヌラシケリ。新中納言知盛、此有様ヲ見給テ、皆是日比思

儲レ事也。今更驚ヘキニ非ズサハアレ共、都ヲ出テ、未一
 ツダニモ經又二人ノ心モ替單又増テ行先サコソハト、推量ヲ
 ルレバ、只都ニテ如何ニモ成ベカリツル者ヲトテ、大臣殿ノ方
 ツツラケニ見給ケルゾ、實ニト覺テ無慙ナル

島山兄弟賜暇事

島山庄司重能、小山田別當有重、兄弟二人ハ年來平家
 ニ奉公シテ、都落ニモ御伴申テ、泣々淀マテ下タリケルゾ、大
 臣殿御覽ジテ、近ク兩人ヲ召テ、御供神妙々々。但イツクマ
 テモ相具スベケレ共、子息家人等皆東國ニ有テ、頼朝ニ相
 從ヘリ。身ハ御供ニ候テ、心ハ鎌倉ニ通フ覽。親子ノ儀クシ惡
 カラズ。技藝計下タラバ、向ニカハセシ疾々罷歸レモ、此世ニア
 リト聞バ思ヒ忘レズ參ベキ也ト宣ヘバ、重能有重畏テ、身ハ

恩ノ爲ニ仕ハレ命ハ儀ニ依テ輕シト云事アリ年來恩ヲ蒙
テ身ヲ助妻子ヲ養ヒ候キ今サラ子ガ悲ク妻ガ戀シケレバト
テ争カ見捨奉ベシ落著御座サン所マテハ御供也ト申セバ
人ノ親ノ子ヲ思フ赤尊モ早モ替ル事ナシハ子ハ東國
ニアリ石源氏ニ隨ヒ親ハ西海ニ落テ身ヲ亡サン事不便也
只トクノ頸ヲ延テ頼朝ニ隨テ再妻子ヲ相見ルベシツユ恨
ト思フベカラズト宜ヒケルコツヤサレケレト入ノ者共二十
餘年ノ好ナレバ遣ハ實ニ惜ケレ共流石ニ身ノステ難サニ
泣ク都へ上ニケリ權亮三位中將維盛資盛清經已下兄
弟ノ人々二百餘騎ニテ行幸ハヤ成ヌ急ヤイツケ打ヤウ
テトテ大宮ヲ下ニ東寺内塚造路御吉野志賀柳原淀津
羽束六田河原ヲ打過テ關戸院邊ニテヅ行幸ニハ追付

給ケル大臣殿ハ此人々ヲ見給テ少カ付テテマテ見エサ
セ給ハサリツシバ審ク思奉リツルニ角テ又見エサセ給へバ嬉
クコソト宜へバ三位中將ハ雜者共ノ強ニ慕ヒ侍リツルヲ
誘へ侍ツシバ今マテ行幸ニハ後レ進セ候へト宜へバ何トテ
具シ奉給ハヌゾ留置奉テハ如何ニカ御座合スル御心
苦キ事ニテコソト宜へバ行前トテモ憑モシクモ候ハスト計ニ
テ問ニツラサノ勝リツハイトト涙ヲ被流ケリ是ヲ聞ケル人
人公實ニト思ツ我身ノ上トツ悲ミケル也大納言ノ下類
ハ今ヤクト待レケレ共落留テ見エ給ハズ
經正參仁和寺官事
修理大夫經盛ノ子ニ但馬守經正ト申公入道ノ甥也童
形ノ程ハ幼少ヨリ仁和寺官守覺法親王ニ候ニ御愛弟

二テオハシケルガ是モ都ヲ落ケルニ昔ノ好ミ難忘覺エケレバ
最後ノ見參ニ入進セシト云有教朝重ト云侍一人召具メ
只三騎ニテ仁和寺宮ヘソ參給經正ハ練貫ニ鶴ヲ縫タル
鎧直垂ニ萌黄糸威ノ鎧ヲ著タリケル人シテ申入ケルハ
一門ノ榮花既ニ盡テ今日都ヲ罷出候再花洛ニ還登
ラシ事有難シ身ヲ西海ノ底ニ沈メ骸ヲ山野ノ塵ニマゴ
ヘシ事疑ナレ何事モ皆先世ニ報フ事ト思フ中ニモ今一
度君ヲ見奉ラスノ空ナラシ事憂世ノ妄念トモ成侍リ又ト
悲ク覺ヘ候ヘバ衣憚推參ト申入ル宮大二憚思召ケレ共
サレモ絲惜不便ト思召レ者ナル上ニ誠ニ都ヲ落下ル程
ナレバ又御覽ゼシ事有マゴトテ御前近ク召レケリ經正悦
テ胃著ナガラ中門ノ廊ニ畏リ跪テ申ケルハ十歳ノ時ヨ

リ此御所ニ參不便ノ者ニ被思召レカバ慈悲ノ御衣ノ下
ヨリ生立ラレ進セシ上ハ剃髮染衣ノ形ニコソ罷成ヘキニ
心ナラズ在俗不善ノ身ト成叙爵シ侍レカ共出仕ノ隙ニ
ハイツモ此御所ニコソ伺候申レニ近年源平ノ諍ニ打紛レ
テ後ハツト參ル事コソナカリツシ共五日三日ニ不參事ハ
ナカリキ而一族運傾テ今日既ニ都ヲ罷出ツ遣ノ西海ニ
落下リ八重ノ鹽路ヲ漕隔ナバ歸ラン期ヲ不知骨ヲ道ノ
側ニサラシ各ヲ浪ノ末ニ流サン事疑ナレ哀不便ノ昔ノ御
好ニ生々世々ニ争忘奉ベキナレバ今一度君ヲモ見進セ
バヤト存メ人々ハヤ落罷ヌレドモ經正ハ先是マテ參上
仕ニ御前近被召進セヌル事申ニ猶モ餘アリ抑又下預シ
青山ヲ如何ナラン世マデモ御形見ニトコソ思侍ソレドモ

争カ斯ル名物ヲ空ク旅ノ空ニ引失ヒ波ノ底ニ沈メ侍ベキ
 サレバ返上仕ラントテ持參ソシ進ラセヨトテ郎等有教ヲ召
 テ錦袋ニ入タル青山ト云琵琶ヲ取出名輪臺青海波菘
 香萬壽樂ノ五六帖ヲゾ暫ク彈ジ給ケル是ヲ最後ト引給
 へハ聞人涙ヲ流シケリサテ琵琶ヲ懷テ御前ニ指置給ツ、
 鑑ノ袖ヲ顔ニ當テヤ、サメくと泣給フ宮ハ此有様ヲ御覽
 じ聞召テ聊モ御返事ヲバ仰セズ香染ノ御衣ノ袖絞リアへ
 サセ給ハる哀ニ堪又御有様徐ノ袂ゾ濡増リケリ

青山琵琶流泉咏木事

抑此琵琶承和二年ニ掃部頭貞敏ガ勅宣ヲ蒙大唐國
 二渡ツ、廉承武ニ謁ソ秘曲ヲ傳へ習ヒニ一ノ琵琶ヲ得タ
 リキ玄象青山是也博士此琵琶ヲ彈ジツ、曲ヲ貞敏ニ才

レヘニニ青山ノ緑ノ梢ニ天人天降ツ、廻雪ノ袖ヲヒルガへ
 不博士瑞相ニ驚テ青山ト名ヲツケキ又此琵琶ノ造様紫
 藤ノ槽ニ技ノ腹花梨木ノ頭ニ同夫首黃楊ノハニ首ニ同
 撥白心ノフクシユニ虎ノ皮ノ撥面落帶ナリ撥面ノ繪ニハ
 夏山ノ碧ノ空ニ有明ノ月出タル様ヲ書タシバ青山共名
 付タリ譬ハ撥面ニ牧ノ馬ト書タレバ彼琵琶ヲ牧馬ト云
 如也昔村上天皇御宇ニ月明々トノ陰ナク風颯々トノ
 最冷秋夜深更ニ臨テ御寂キ折節御心ヲ澄シツ、此青山
 フ取出御座ノ御自萬秋樂ノ秘曲ヲ彈ジ給ケルニ撥ノ音
 ニヤメテタリケレ月モサヤケキ軒端頭ニ天人天降給ヒテ五
 六帖ノ秘曲ノ時廻雪ノ袖ヲ翻シ雲井ニ登給ニケリ懸ル
 月出琵琶ナレバ其後凡人引事ナレ仁和寺宮ニ傳リ代々

此御所ノ重寶ナリケルヲ皇后宮亮經正十七ニテ初冠ノ
 應テ五位ニ成スキ額ノ冠ヲ給テ宇佐宮ノ御使ニ立ラレケ
 ル時申預テ下ツ、當社權現ノ神前ニテ盤渉調ニテ青海
 波ヲ彈ジ給ケル御神殿ヤ、動ツ、内ヨリ二羽ノ千鳥飛出
 テ社壇ノ上ニゾ舞遊神明御納受有テ化現ニ給ト覺ヘテ
 忝シ經正樂ヲ留テ三曲ノ其一流泉ノ曲ヲ調ベタリ宮
 人巫女賤女賤男ニ至マテ呂律緩急ヲ不知トモ感涙袖
 ヲ絞ケリ凡人此琵琶ヲ彈ズル事ハ經正計ゾ有ケル斯ル希
 代ノ重寶ナレバ身ヲ放タズ家ニ傳トフツ思ハレケメ共都ヲ
 落別ル程ナレバ縱波ノ底ニ消失又共是ヲ御覽セン折
 ヲハ思召出シ御座シテ後ノ世ヲモ御吊アレカレト思ケレ
 バ進報シケルニコソ抑流泉曲トハ都率内院ノ祕曲也菩
 提樂トハ此樂也彌勒菩薩常ニ此曲ヲ調テ聖衆ノ菩提

心ヲス、メ給フ故也其聲歌ニ云
 三東無安 猶如火宅 發菩提心 永證無爲
 トゾヒミクナル漢武帝ノ仙ヲ求給シ時内院ノ聖衆天降テ
 武帝ノ前ニテ此曲ヲ調ベ給シ時龍王竊ニ來テ南庭ノ泉
 底ニ隱居テ此ヲ聽聞セシカバ庭上ニ泉流テ滿タリシヨリ此
 曲ヲバ流泉ト名タリ我朝ニハ延喜第四王子會坂ノ蟬
 丸ノ琵琶ノ上手ニテ天人ヨリ傳ラレタリシヲ秘藏セラレテ
 更二人ニ授給ハズ博雅三位三年ノ程夜々關屋ニ通ツ、
 傳タリシヲニ位モ是ヲ秘藏シテ輒ク人ニハ傳サリケリ啄木
 ト云曲モ天人ノ樂也本名解脫樂ト云此曲ヲ聞者ハ生
 死解脫ノ心アリ其聲歌ニ云

我心無礙法界同

我心虛空其本一

我心遍用無差別

我心本來常住佛

トツ響ナレ震且ノ商山ニ仙人多集テ偷ニ此曲ヲ彈ジケル

ニ山神蟲ニ變ジツ。木ヲ咏様ニモテナシテ。此ヲ聞ケルヨリ

啄木トハ申也此樂ヲ彈スル時ハ天ヨリ必妙花フリ甘露

定テ海若尾ニ結ビケリサテモ經正ハ既罷出ントシケルガ

今ヲ限ノ別ノ道立モヤラス琵琶ヲ御前ニ閣キツ角ゾ思

ツミケハル

具竹ノモトノ篋ハカワラ子ドナヲ住アカヌ宮ノ内カナ

官モ御涙ヲ押ヘ御座テ

具竹ノ本ノ篋ハ絶ハテ。流ル水ノスエヲシラバヤ

御前ニ候ケル人々昔ノ好三筆可志ナレ各遺ヲ惜ツ墨

染ノ袖ヲ絞ケル大藏卿法印ハ餘リニ悲ク思ヒツハ是ヤ

最後ノ別ナルラント思ヒ入テ

夏山ノ出入月ノ姿ヲバイツカ雲井ニ又モ見ルベキ

經正ノ返事

夏山ノ緑ノ色ハカハルトモ出入月ヲ思ヒワスルナ

侍從律師行經ハ殊ニ不淺契タリケル人也

哀ナリ老木若木モ山サクヲオクシ先立花モ残ラシ

經正返事

旅衣夜ナク袖ヲカダシキテ思ヘバトヲク我ハ行ナン

ト宜ヒテ御遺ハ旁推量御座スベシ今ハ心ツクレノハテマデ

モ是ヲ最後ノ思出トテ御前ヲ立給ケリ年來見ナレシ人々

モ鑑ノ袖ニ取付テ衣ノ袂ヲ絞ケリ夜ヲ重日ヲ重又共別ハ

イツモ同事行幸ハ遙ニ延サセ給ヌラントテ心ヅヨク振放申
ノ緒ヲシメ馬ニ打乗出給フ。參ル時ハ世ヲ忍タル體ナシ共
歸ル時ハ赤旗赤符シ付サセツ。南ヲ指テ歩ハセケリ。行幸
ニ追付進セント心ヅヨクハ出タレ共佳ナシ故郷ハサス
ガニ悲ク覺エツ。鎧ノ袖ニ淚落テ行前モ不見ケリ。梅津里
ハ夏ナレド。夕ヲ殘ノ芳シヤ桂里ノ月景モ思出テソ通ラシ
ケル。大井河岩越瀬々ノ水ノ泡放ノ憂身ノ悲サニ消入心
地ニ給ヘリ。飛驒守景家モ御伴ニトテ出立ケルガニ二歳ニナ
ル孫ニ遺ヲ惜ツ。如何ガセントソ悲ケル。其孫ト云ハ北國ノ
軍ニ討レレ飛驒太郎判官景高カ子也。其妻ハ夫ニ後レシ
深思ニ沈此少者ヲカヘテノ夫如何ガセント歎レ程ニ積
思ニ堪ス。此世空ク成ニケリ。父ニモ後レ母ニモ別テ孤ナリ

ケルヲ。祖父飛驒守景家ガ我懷ニ拘抱テ常ハ口説言メ哀
果報ナキ身トナレル悲サヨ懸ル忘カタミヲ殘置我サヘ物
思フ事ノ無慙サヨトテ鳥ノ雛ヲ燻ガ如キケル程ニ平家都
ヲ落ケレバ。景家モ出立ケリ。東西モシラヌ稚者ヲ宿定メナ
キ旅ノ道ニ具セン事モ叶フマジ跡ニ憑モシキ者モナケレバ
誰ニ預ベレ共覺ヘス。思侘テツク。是ヲ察ジ出ノ宵ノ袖ニ
懷キツ。母ノ八十有餘ニ成ケルニ具レ行テ此子預ケ奉ル。
御爲ニハ曾孫也。景家西海ノ浪ニ沈三候共生シ立テ御
形見共御覽候ヘトテ打預ケツ。落行ケリ。景家ガ母老々
トメ庭ニ杖ツキ走出テ泣々申ケルハ。我身縱若ク盛ナリト
モ懸ル亂ノ世中ニ如何ニメカ育ベキ况ヤ八十二餘ニ今日
明日トモ知ヌ命也。行未遙々ノ少キ者ヲ何トセヨトテ捨

預テハオハスルゾ。縦情ナク老タル母ヲコソ。振捨テ出給フ共
 恩愛ノ別ノ悲サニ打副テ。歎ヲ重給フ事コソ心ウケレ。如何
 ナラン野末山ノ奥ヘモ具レ行給ヘトテ。嬰兒ノ手ヲ引。鎖ノ
 袖ニ取付テ。門ヲ遙ニ出タリケリ。弓矢トル身ノ哀サ。公人ニ
 弱氣ヲ見セシトテ。カナクテ出ケレドモ。涙ハ先ニス。ミケ
 リ。落行平家ハ誰々ゾ。公卿ニハ前内大臣宗盛。平太納言
 時忠。平中納言教盛。新中納言知盛。修理大夫經盛。右
 衛門督清宗。本三位中將重衡。權亮三位中將維盛。越
 前三位通盛。新三位中將資盛。殿上人ニハ内藏頭信基
 但馬守經正。左中將清經。薩摩守忠度。小松新少將有
 盛。左馬守行盛。能登守教經。武藏守知章。備中守師盛。
 小松侍從忠房。若狹守經俊。淡路守清房。僧綱ニハ二位

僧都全真。法勝寺執行能圓。中納言律師忠快。經誦坊
 阿闍梨祐圓。侍ニハ受領檢非違使。衛符諸司百六十人。
 無官ノ者ハ數ヲ不知。此ニ二三箇年ノ間。東國北國度々ノ
 合戰ニ被討漏タル人々也。

賴盛落留事

池大納言賴盛。卿モ池殿ノ亭ニ火ヲ懸テ。鳥羽ノ南。赤江
 河原マテ落給タリケルガ。赤旗赤符チキリ捨テ。此ヨリ都ヘ
 歸上ル。八條女院ノ御所。仁和寺常葉殿ニ。糸籠レ給ヘリ。
 落殘ル勢僅二百餘騎也。兵衛佐ノ許ヨリ度々被申送ケ
 ル。平家追討ノ院宣ヲ下給ル上。私ヲ存スベカラズ。御下
 門ノ人々恨申ベキニテ候。但御アタリノ事ハ驚思召ベカラ
 ス。故池尼御前ニ遁レ難キ命ヲ被助進セテ。今ニ甲斐ナキ

世ニ立廻りしリ。其御恩争カ奉忘ベキナレバ。如何ニモ報ヒ申
サントコウ存ツレ共。後し進ヌレババカ及バズ。今ハ故尼御前
ノ御座ト深思進スレバ。頼朝角テ世ニ立廻リ候ハ、朝恩
ニモ申替テ御宮仕申ベシユメク。饒飾ノ所存ニアラスト被
申タリケル上。法皇仰之旨モ有ケルヲ憑テ留給フ。又同キ
侍ニ彌平兵衛尉宗清ト云者アリ。兵衛佐平治ノ逆亂ニ
キラルベカリナルヲ。此宗清池尼御前ノ使トメ。兎角詞ヲ加
テ死罪ヲ申宥タリケルニ依テ兵衛佐思忘給ハス。國々ノ兵
ヲ差上せ給ケル時モ。穴賢池殿ノ殿原ニ向テ弓矢ヲ引事
有ベカラズ。又宗清兵衛ニ手カクナトゾ被誡仰ケル。平治ニ
頼朝助リテ。壽永ニ頼盛道給フ。周易ニ積善之家有餘慶
不善之家有餘殃ト云。本文アリ。誠ナル哉。此言人ニ情ヲ與

ルハ。我幸ニゾカヘリケル

貞能參小松殿墓付小松大臣如法經事

源氏多田藏人行綱攝津國ヲ押領シテ。河尻ヲ打塞ト聞
エ。間肥後守貞能馳向タリケレ共。僻事ニテ歸上ル程ニ。
相摸ガ辻子ト云所ニテ。行幸ニ參合ス。貞能馬ヨリ下。大
臣殿已下ノ人々ニ向ヒ奉テ。穴心ウ是ハ何地ヘトテ御座
ヤラン。都ニテコソ如何ニモ成給ハメ。又西國へ落サセ給タラ
ハ。助リ給フベキ歟。落人トテ此コ彼コニテ打殺サレ。射殺サレ。
骸ヲ道ノ側ニサラシ。名ヲ後ノ世ニクタシ給ハン事。口惜カル
ベシトク。是ヨリ還上ラセ給ヘトテ。爪彈ニ及ブ。大臣殿宣
ヒケルハ。貞能ヨ汝ハイマダ不知。思フモ理ナレ共。源氏昨日
ヨリ天台山ニ登テ。谷々坊々ニ充滿タリ。又此夜半ヨリ法

皇モ御所ヲ出サセオハシメテ渡ラセ給ハズ。男子ノ身ナラ
バ如何ガセシ。主上イマダ幼キ御事也。女院一位殿ヲ始進
セテ。女房達旁々御座ス。アタリ心憂目ヲ見ルモ悲ケレ
ハ。一門戸モヤト思。又禪門名將ノ御墓所ニ參テ。今一度
奉拜思フ事ヲモ口説申。其後塵灰トモナラント思召也。ト
仰ケシバ。貞能ハ昔ヨリ源平世ヲ諍テ合戦イマニ絶ズ。縱敵
天台山ニ有トモ。争力住ナレシ都ヲバアクガレ出サセ給ベキ。
貞能ハ餘ニ京ノ戀シク候ヘバ歸上テ敵アラバ討死ノ同ハ
骸ヲ都ニサラシ侍ベシ。敵ナクハ又コソ歸寮ラメトテ只一人
都ヘ歸上ツ。法住寺ノ邊ニ宿シタリケシ共。人々モ引
返シ給ハズ。家々ハ今朝皆焼拂給ヌナニ。付イツクニ有ベ
シ共覺ザリケシ。貞能小松殿ノ御墓ニ參テ。夜深ルマテハ

忍音ニ念佛申。頓證菩提ト回向ソ後申ケル。君ハ加禱ノ
事ヲ兼テ被知。召テ熊野權現ニ御祈誓候テ。トク失サセ給
ケルニヤ。此世中イカニ成立候ベキ。賢人ノ大臣トコソ。君モ臣
モ思奉シ事ニ侍シガ。草ノ陰マテモ遠キ守トナラセ給テ。御下
門今一度。都ヘ返入給ヘトテ生タル人ニ物ヲ云。様ニ涙ヲ
流ソ申ケリ。曉ニ及テ夢ヲ結ブ。大臣衣冠正メ。八葉ノ蓮座
ノイト目出キニ。左ノ足ヲ指上テ。登ランクトシ給ケルニ。鬼神
來テ引落シ奉ル。貞能アハシ如何ニト問奉リケレバ。大臣涙
ヲ流シ八葉ノ蓮座ト云。公都率天宮也。我君臣ノ儀ヲ不亂
親子ノ禮ヲ篤ス。國ヲ思ヒ人ヲ惠ニ全ク私ヲ以セズ。其上
莫太ノ善根異國ニ及ニ依テ。都卒夫ニ生セントスル處ニ
一門ノ惡行ニ答テ。今爲鬼神被引落タリ鬼神ト云ハ。即

一族ノ惡靈也サレバ汝如法經ヲ書寫シテ必我後世ヲ助
ヨト宣フト見テ夢覺又其後墓堀起レ水ニ流スベキヲ賀
茂河ニ入持スベキヲ持セテ申斐々々々云々ハ云々リケシ共
泣々福原ヘコソ下ケレ王哀ト申者昔唐土ニ有ケリ其母
生タリケル時餘ニ雷ニ恐ケリ母死テ後雷ノキビシク鳴時コ
トニ必母ノ墓ニ行テ王哀是マテ參テ侍雷電ノ音恐シ思
給フナト聲ヲ擧テ泣シカバ雷鳴ヲ止ケリ其母夢ニ來テ恍
フ色々ビク有ケルトカヤ至孝ノ志深キ時二ハ古今ト下
懸ルタメレモ有ケリ貞能後二閻エケルハ西國ノ軍破テ下
野國宇都宮ヘ下向ス彼宇都宮ハ外戚ニ付テ親シカリケ
レバ尋下テ出家シテ肥後入道ト云テ如法經ヲ書寫シテ大
臣殿ノ後生ヲ吊奉ケリ貞能都ヘ返リ入又ト聞ケル上越

中次郎兵衛盛嗣上總七郎兵衛景清二人大將軍トシテ
京へ上リ落留給ヘル平家ノ下門并侍共人手ニ懸ンヨリ
下人モ漏サズ討捕ベキト聞エケレバ池殿ハ色ヲ失ヒ駈給
ヒヨハ如何ニスベキ源氏未打入平家ニハ引別又浪ニモ
付ズ穢ニモツカヌ心地カナトテ只ハ條殿ニ參テ若ノ事候
ハバ助サセオハレマシ候ヘト申サレケルモ云甲斐ナシ女院
ハ斯ル亂ノ世ナレバ我イカニト計フベキニモ非ソモ如何ガ
セサセ給フベキトゾ仰ケル平家ノ方ノ者ヤシタリケン池殿ノ
門前ニ札ニ書テツ立タリケル
年比ノ平ヤヲ捨テ鳩ノハニラキミヲ藏イケルカヒナニ
大納言此歌ニ耻テ出仕モシ給ハズ常ニ籠居ソゾオハシケ
ル有爲無常ノ境ト云ヒナカラス命ヲ惜身ヲタバフ事定テ可

省後悔ヲヤ年来芳志アル下門ヲ捨テ他門ニ歸伏ニ給又
ル事クニモイタル甲斐ナシトゾ人申ケル

源平盛衰記卷第三十一終

源平盛衰記卷第三十二目錄

落行人々歌付忠度自淀歸謁俊成事

刈田丸討惠美大臣事

圓融房御幸事

義仲行家京入事

法皇自天台山還御事

福原管紋講事

四宮御位事

維高維仁位論事

阿育王即位事

義仲行家受領事

平家著太宰府付北野天神飛梅事

還俗人即位例事

源平盛衰記賦卷第三十二

落行人^{ヲクキ}ノ^カ歌^カ付^ツ忠^{チウ}度^ト自^{ヨリ}淀^ミ歸^カ謁^カ後^ノ成^ト事

落行平家ノ人々。或式津ノ浪枕人重鹽路二日ヲ經ツ。
 舩ニ竝サス人モアリ或遠ヲ凌近ヲ分ツ。駒ニ鞭ウツ人モアリ。
 前途ヲイヅコト不定生涯鬪戰ヲ日二期ノ思々心トニゾ。
 下給フ。權亮三位中將ノ外ハ大臣殿ヲ奉始テ可然人々。
 ハ皆妻子ヲ引具シ給タリケシ共下様ノ者共ハ妻子ヲ都ニ
 置シカバオノク別ヲ悲ツ。行モ留モ互ニ袖ヲ絞ケリ。夜カレ
 留メ。日枯ヲ夕ニモ怨シニ後會其期ヲ知ザリケルコソ悲ケレ。
 相傳譜代ノ好ニ不淺年來日比ノ重恩モ争カ忘ベキナシ。
 人ナニミクニ涙ヲ押テ出タシ共心ハ都ニ通ツ。行モ行シ又
 心也淀ノ大渡ニテハ南無八幡三所大菩薩。再都へ返シ

入給へト各伏拜給へトモ神慮誠ニシリ難シ薩摩守忠度
故郷ノ家々煙トノボルヲ頼テ

古郷ヲ焼野ノ原ニカヘリミテ求モ煙ノ波路ヲグユク
修理大夫經盛

墓ナシヤ主ハ雲井ニ別ルレバ宿ハ煙ト立ノボルカナ
或舊女泣々口スサミ給ケル

住ナレシ都ノ方ハヨソナガラ袖ニ波コス磯ノ松カセ

是ヲ聞ケル人々イヨク袂ヲ絞リケリ中ニモヤサシキ事ト聞
エシハ薩摩守忠度ト申ハ入道ノ舍弟也淀ノ河尻マデ下
タリケルカ郎等六騎相具シテ忍テ都へ歸上ル如シ法夜半
ノ事ナルニ五條三位俊成卿ノ宿所ニ行テ門ヲ叩ク内ニ
ハ是ヲ聞ケレ共懸ル亂ノ世ナル上イブセキ夜半ノ事ナレバ

敲共々々開ガリケリ餘ニ強ク敲ケシハ良久有テ青侍ヲ出
戸ヲヒラカテ是ヲ問忠度ト申者見參ニ申入度事アリテ
參タリト答ケレバ三位大庭ニ下世ニ忍テ内へハ入サリケレ
共門ヲバ細目ニ開テ對面アリ忠度宣ケル懸身トノ御々
ス憚アレ共所詮一門榮花盡テ都ニ不安塔西海へ落下
侍亡ン事疑ナレ世靜テ後定テ勅撰ノ沙汰候ハンカ縦身
ハ八重ノ鹽路ノ底ニ沈トモ藻鹽草書置末ノ言葉後ノ世
マデ朽ス形見ニ傳ハリ侍シカレト思出テ河尻ヨリ忍上テ
侍是ゾ年比讀集タリシ愚詠共ニテ侍ル身ト共ニ波ノ下ニ
ミクツトナサン事遺恨ニ侍リ是ヲ砌下ニ進置候勅撰之
時ハ必思召出ヨトテ卷物下卷泣々鑑ノ引合ヨリ取出タ
リニ位感涙ヲ流シ是ヲ請取御諒下卷預置候畢是求代

秀逸ノ御形見未來歌仙ノ爲指南歟此念劇之中二御
音信ニ預事恐悅不少候哉縱浮生ヲ萬里ノ波ニ隔トモ
御形見ヲバ下戸ノ窓ニ納テ勅撰ノ時ハ思出侍ベシト宣
ヘバ忠度今ハ身ヲ波ノ底ニ沈メ骨ヲ山野ニ曝トモ思事ナ
レトテ馬ニノリ古詩ヲ

前途程遠馳思於鴈山之暮雲

後會期無寔纒於鴻臚之曉淚

ト打上ク詠ジツ。南ヲ指テツ落行ケル本文ニハ後會期

遣也ト書タルヲ忠度還見ルベキ旅ナラス今ヲ限ノ別也ト

思ケレバ後會期無ト詠シケルコソ哀ナレニ位モ遺ノ惜ノ

遣ニ是ヲ見送テモアハレ世ニ在レニハ此人共ニコソ諂追從

世ニ替習トテ今ハ門ヲ隔ル事ノ悲サヨト哀ナルニモ淚優

ナルニモ淚忍ノ袖ヲ絞ラレケル代靜テ後予載集ヲ撰シ

ケルニ忠度ノ此道ヲ嗜河尻ヨリ上タリシ志ヲ思出給テ故

郷ノ花ト云題ニ讀人シラズトテテ首被入タリ

サバ浪ヤ志賀ノ都ハ荒ニシヲ昔ナカラノ山櫻カナ

トヨメル歌也各字ヲモ顯シアマタモ入マホシカリケシ共朝

敵トナレル人ノ態ナレバ憚給テ尺下首ヲ被入ケル亡魂イ

カニ嬉ク思ケン哀ニヤサレクツ聞エシ此忠度内裏ノ女房

ニ心ヲ移ノ年來通ヒ給ヒ情深キ中也ケルニ彼女房ニメ

形類ナク心ノ色世ニ有難シトホノメキケレバ高倉院モ思

召入サセ給テ忍テ時々御幸アリ忠度八年來ノ知人也院

ハ月淺キ御事也天戸渡織女ノ會夜希ナル秋ノ夜ノ月ノ

光モサヤクテ蟲ノ音絶々音信タリオ知カホニ道芝ノ露

置ツキツムル夕暮ユフグレニ高倉院タカクラノイノ此女房メカドノ許キョトへ御幸ミカドアリ忠度チヒ争イサカ
 知ヒベキナレバ夜ヨフケ人定ヒツツテ其夜ソノヨ同通トモニツカヨハシタリ院イノハ先サキヨリノ
 御幸ミカドナレバ女房メカドハ御前ミマヘニテ御物語ミカドノカガリアリ忠度チヒハ後ノチニオハシ
 タレバ角カクトモ知ヒ給タマハ子共サナト。左右サウナク入給イリタマハズ。人ヒトノ出イデヨカシ。
 角カクト云入イリントオボシケレ共トモ御幸ミカドノ折節セツナリケレハ如何イカニト
 咎トガムル者モノモナシ忠度チヒカナタコナタヲ立廻タチマリ。御前ミマヘ近チカキ御縁ミシニ
 良父トヨチチ立居タチイ給タマヒ扇アウギヲツ仕給ツカセケル。蚊カノ目メノキリくと御前ミマヘへ
 聞キエケリ院イノモ怪モモク思シ召御氣色ミカドノイロ也。女房メカドハ忠度チヒノ來キレルニ
 コソ角カクト告ツクテホシク思シハレケレ共トモ院イノニ憚ハヒ進マケル上ウハ。人ヒトシテ
 云イベキ便マヨリモナシ忠度チヒノ待マツラン事コトモ痛イタシク折節セツ骨ハネナキ事コトヲ
 モ知ヒレカシトテ女房メカド何ニトナキ口クチズサミノ様サマニ野ノモセト仰オホラレ
 ケレバ忠度チヒ扇アウギヲタへミテ竊ヒソカニ歸カ給タマニケリ後ノチニ此女房メカドニ逢アタ

リケルニ母ハハテモ下日シタハイカニト問ト給タマへハ忠度チヒ骨ハネナキツカレカ
 マレト仰オホ候マツシカバ歸カテコソトツ答コタタル女房メカド又マタ宜ヨシケルハ。人ヒトシ
 テ申マタル事コトモナシ何ニツレシニテ角カクハ思シ召メケルツトイへハ野
 モセト仰オホ候マツシカバ歸カリ又マタ源氏ゲンジ夕顔ユフガハノ巻マキニ
 カレカマレシノモセニスタク蟲ムシノ子コヨ我ワレタニ物モノハイハテコソ思シへ
 ト云イ歌ウタノ候マツゾカシトツ宣ノタメケル思シ寄ヨリ給タマケル女房メカドモ心ココロエ給タマへ
 ル忠度チヒモ互タガニ由ヨリアリテツ覺サトエケル懸カル優ユウニ情深ナカクキ人ヒトニテ。
 河尻カハシヨリモ歸カ上ノボリ給タマケル也。左馬頭サウマカミ行盛ユキモリト申マハ。太政
 入道イノチウダウノ二男ニノウニ左衛門サエモン佐安サア藝判官ゲイバン基盛モトモリト云イレ人ヒトノ子コ也。
 父チチハ保元ホウゲンノ亂乱ノ後ノチ宇治ウジ河カワニテ水神スイジンニ取トレテ失ウシニケリ。狐キツネ
 子コニテオハシケルガ京極キョウキョク中納言ナカノリ定家サダノカ卿ノミヤニ奉ツク付ツキ。歌道カダウヲ學マナ
 給タマケリ都ミヤコヲ落オチ給タマトテ定家サダノカノ遺ユヲ惜オソツ。卷物マキモノ一ヒツツニ消息セウシ

具ノ被送タリ。卷物ト八日來讀集給タリケル歌共也。定家
卿披キ見給フニ。來方行末ノ事共コトヤカニ被書テ。端書ニ
流ナバ名ヲノミ殘セ行水ノアハシ墓ナキ身ハ消ル共
定家はヲ見給テ。感涙ヲ流シ給ツ。勅撰アラバ必イレシト
被思ケリ。薩摩守忠度ノ歌ヲ。父俊成卿ノヨミ人不知ト。千
載集ニ被入タル事ヲ。本意ナキ事ニ被思ケリ。忠度ハ朝家
ノ重臣トモ雲客ノ座ニ連シリ。名ヲ埋ム事口惜ク被思ケレ
バ。如何ニモ行盛ヲバ名ヲ顯サントテ。朝敵ナレバ世ニ恐テ
三代ヲ過ザリケレ。後鳥羽土御門佐渡院御宇ヲ經テ。後
堀河院御時新勅撰ノ有レシ。今ハ苦レカレマシトテ。左馬頭
平行盛ト名ヲ顯シ。此歌ヲ被入タリ。亡魂如何ニ嬉シト思
フラント哀ナリ

刈田丸討惠美大臣事

昔稱徳天皇御宇ニ。藤原仲磨ト云人オハレキ。是ハ贈太政
大臣武智丸ノ子也。ケリ。高野文帝ノ寵臣ニテ。朝恩深ク。政
ヲ我儘ニ執行間。奢心アリテ。世ヲ世共思ハズ。只下族親類
ノニ朝恩ニ誇リケリ。權勢日々ニ重ク。人ノ畏オソル、事。今
ノ平家ノ如ク。目出カリキ我下人ト世ヲ押へ行テ。是ニ勝ツ
者ナカリケレバ。御門是ヲ御覽メ。仲磨ト云名ヲ改テ。押勝ト
被付タリ。太保大師ニ至レリ。レカバ。スツロニ巧マレク思召ト
テ。惠美大臣トツ仰ケル。去共盛ナル者ノ衰ル習アレバ。河内
國弓削ト云所ニ道鏡禪師ト云僧アリ。貴キ聞エアリテ。葉
中ニ被召テ。如意輪ノ法ヲ行ヒケレバ。御寵愛甚ク。ノ。惠美
大臣ノ權勢モ物ノ數ナラス。法師ノ身ニテ。太政大臣ノ位

ヲ給ヘリ門弟ノ法師共ツ以テ上達部ナドニ被成ケリ後ニ
ハ御位ヲユヅラント思召テ和氣清磨ヲ御使トメ宇佐宮へ
被申タリケレ共御免シナシカ及バセ給ハテ只法皇ノ尊
號ヲ奉弓削道鏡法皇トハ是ナリケリ大臣大ニ本意ナキ
事ニ思テ帝ヲ怨ミ奉リ天平寶字八年九月十一日軍ヲ
起シ國家ヲアヤブメ奉ラント謀ケルガ漏聞エニケレバ罪ハ
扈ニ當ルトテサシモキリ者也シカトモ官職ヲ被止テ死罪ニ
行シントセシカバ惠美大臣モ兵ヲ集テ禦戰ハント用意アリ
帝坂上刈田丸ヲ大將軍トメ數萬騎ノ官兵ヲ以被攻ケ
レバ大臣堪スノ下門引具レ都ヲ出テ東國へ趨テ凶徒ヲ
語ヒ朝家ヲ討奉ラント支度シケリ官軍遊テ勢多橋ヲ引大
臣此ヨリ引歸北陸道ヲ下ニ海津ノ浦敦賀ノ中山打越

テ越前國ニ逃下我身ヲ帝王ト名乗親類一族ヲ大臣公
卿ト詐テ正統官物ヲ打留メ人ノ心ヲタフラカレ過ケル程
ニ官兵又責ケレバ船ニ取乘新羅高麗へト志漕ケレ共王
事廢監ケレバ波風荒テ船ヨリ下戰ケルガ同十八日ニ太
臣終ニ討レケリ刈田丸其頸ヲ以都へ上テ門ノ公卿五人
被刎首骨肉親類同心合カノ輩皆亡ケルコソ無慙ナレ
彼ヲ以是ヲ思フニ平家榮花既盡又亡ニ期時至レリトツ
申ケル昔ノ押勝ハ北國ニ越テ討シ今ノ平家ハ西海ニ下
テ又シカラビト哀也

圓融房御幸事

去程ニ二十四日夜半ニ法皇法住寺殿ヲ御出有テ賀茂
へ入ラセ給タリケルガ爰ハ都モ無下ニ近シ猶惡リナントテ

御輿ニテ。鞍馬へ御幸アリ。御伴ニハ右馬頭資時一人。御候ケル。下北面ノ衛府ニ定康。俊兼。知康。纒ニ三人也。鞍馬寺モ上下參詣ノ砌也。人目シケレトテ。是ヨリ又横河へ上ラセマシクテ。寂場坊ニ御座アリケルヲ。大衆僉議ノコシ猶惡リナントテ。東塔南谷圓融坊へ渡シ入進セケリサテコソ衆徒モ武士モカ付テ。圓融坊ノ御所近候ケレバ。法皇モ御安堵ノ御心也。是ヲ角トモ不知ノ京都ニハ院ハ夜ヨリ失サセ給ヌ。主上ハ惡徒ニ被引テ西國へ行幸攝政殿ハ吉野奥トカヤ聞ユ其外女院宮々モ此ノ騷ニ恐レシクテ。嵯峨廣隆。賀茂。八幡邊ニ付テ。逃隱サセ給ヌ。平家ハ都ヲ落タシ共源氏モイマダ入替ス。主モナク人モナキ所ニテ。自殘留タル人々モ闇ニ迷ヘル心地ニテ。如何ナルベシ共不覺天地開

關ヨリ以來懸ル事聞及バズト歎程ニ。廿六日ニ法皇ハ天台山ニ渡ラセ給ト披露アリ。上下我先ニトツ馳參給フ。入道前。關白松殿當時攝政内大臣基通。左大臣經宗。右大臣兼實。内大臣實定以下。大中納言宰相ニ位。四位五位。公卿殿上人。上下ノ北面ニテモ官ニ居レ職ヲ帶レ先途ヲ期シ。後榮ヲ望テ人トカスヘラル。ハ一人モ漏給ハズ參集テ。圓融坊ニ堂上掌下門内門外。隙迫モナクミチクタリ。山門ノ繁昌衆徒ノ面因トゾ見エケル

義仲行家京入事

二十一日ノ辰刻ニ十郎藏人行家ハ伊賀國ヨリ宇治路へ廻リ木幡伏見ヲヘテ京へ入。木曾冠者義仲ハ近江國勢多ヲ渡シ同日未刻ニ京へ入。是ハ天台山ニ登テ惣持

院二城塙ヲ搆ヘタリ。カバ。西坂本ヨリ入ヘキカ。又東坂本
二下モ志賀唐崎ヨリ。大關小關ヲヘテ京ヘ入ベキニテア
共。餘勢數千騎。鏡篠原野洲河原ニ陣ヲ取タルヲモ。打具
セシカ爲ニ。又順道也。且ハ祝ノ京入ナレバトテ。湖上ヲ押渡
テ。野路勢多クヘテ。京ヘ入。其外甲斐信濃美濃尾張ノ源
氏等。此兩人ニ相從。其勢六萬騎ニ及ベリ。行家義仲都ヘ
入テ後ハ。武士在所々ヲ追捕シ。衣裳ヲ剥取。食物ヲ奪
取ケシハ。洛中狼藉不斜。

法皇自天台山還御事

同二十七日。法皇天台山ヨリ還御。錦織冠者義廣白旗
サシテ先陣ニ候ケリ。公卿殿上人多供奉シテ。蓮華王院ノ
御所ヘ入セ給フ。此二十餘年絶テ久キ白旗ヲ。今日始テ

御覽シナリ供奉ノ人々モ珍レクツ見給ケル。二十八日ニ義
仲行家兩人ヲ院御所ヘ召シタリ。檢非違使ノ別當左衛門
督實家頭辨兼光。御前ノ簀子ニ候。御氣色ニ依テ。平家内
大臣以下之黨類。追討スベキノ由被仰下ケリ。兩人庭上ニ
跪テ是ヲ承ル。義仲ハ赤地錦直垂ニ塗籠ノ箭負テ。薙劍ヲ
ハケリ。折烏帽子ニ黒革威ノ冑ヲ著シ。笠符ヲ左右ノ袖ニツ
付タリケル。甲冑ヲ著タル郎從五人。童下人ヲ相具セリ。行
家ハ縫物ノ紺ノ直垂ニ。同毛鎧引立烏帽子ヲ著テ。郎等
三人ヲ相具セリ。兩人相並テ。東庭ノ南ニ當テ。御所ノ方ニ向
テ跪テ候ケリ。別當實家座ヲ起テ。比ノ簀子ニ躡踞メ。砌下
ニ可進之由。類目シケレ共。心ヲエスノ勸メズ。内裏ハ前内太
臣ノ黨類ヲ追罰スベキノ由召仰ケシ。行家ハ砌ニ近進テ

是ヲ奉ル義仲ハ深敬テ進ス兩人ノ作法何モ取レニユ、
 シクワ見エケル法皇ハ御簾ノ内ヨリ睿覽アリ院宣ノ御返
 事ヲハ義仲畏テ申ケリ又前右兵衛佐頼朝上洛スベキト
 テ廳官ヲ御使ト名關東へ被下ケリ同日院御所ニテ議定
 アリ左大臣經宗内大臣實定堀河大納言忠親別當實
 家大宮中納言實宗梅小路中納言長方右京大夫基
 家源宰相中將通親左大辨經房新三位季經新宰相
 中將泰通卿ソ參ラシケル頭辨兼光朝臣仰ヲ奉テ國主
 璽劍鏡西海ニ令趣給申又母后主上還御有ベキノ由院
 宣被進ベキカ將又可被遣追討使力定申ベシト右大臣ニ
 仰ケレバ國母定有歸御之志歟賊臣何無還向之思哉
 若申行還御者可被加殊賞之由可被仰遣前内大臣

之許歟失國璽事王莽盜之趙王奪之漢家之跡雖非一
 本朝之例曾未聞被待返報可有左右歟トソ同ニ定メ
 申サレケル同二十九日追討ノ廳下文ヲ被下云
 五畿七道諸國可追討前内大臣宗盛以下之黨類事
 件黨類忽背皇化已企叛逆加之盜取累代之重寶猥
 出九重之都城論之朝章罪科旁重阜可令追討件輩
 トソ被載ケル昨日ニテハ源氏ヲ追討セヨト諸國七道ニ被
 下院宣今日ヨリハ可追討平家之由五畿七道ニ被下院
 宣世ノ轉變政ノ改定長ナリケル事共ナリ同晦日頭辨兼
 光朝臣奉仰可被行行家義仲等勲功之賞否國主未
 定之間可被行除目否之由今々ニ勅問有ケリ梅小路
 中納言長方卿申サレケルハ勲功之賞尤可被行力等差

事頼朝者爲本謀義仲者稱戰功歟昔誅諸呂立文帝
陳平雖爲本謀周勃依有戰功周勃之賞已超陳平然
者義仲之賞可勝頼朝歟但承平討將門秀郷者有興
衆平定之忠貞盛者績數度合戰之功公卿論功秀郷
之賞超貞盛母今頼朝舉義兵振威勢旁頼朝之賞可勝
義仲が除目事圓融院大井河御遊日時中卿被任參議
其後於陣被行除目力任件例被御勸賞後日可被行
除目力嘉承攝政事大上天皇詔也准彼例可被行トツ
被角ケル十郎藏人行家ハ法住寺ノ南殿萱ノ御所ヲ給
テ宿ス木曾冠者義仲ハ大膳大夫信業カ六條西洞院ノ
家ニ宿ス

福原管絃講事

平家ハ保元ニ春ノ花ト榮ヘニカ共壽永ニ秋ノ紅葉ト散
ハテハ八條ノ蓬戸六波羅ノ蓮存暴風塵ヲ立煙雲散ヲ拂
ツ福原ノ旧里ニ下テ故相國禪門ノ基ニ詣ツ各法施ヲ
進リ思々ノ口説言ヨツノ袂モレホレケリ入道ノ造置給シ
花見ノ春ノ岡ノ御所月見ノ秋濱ノ御所雪見原ノ萱ノ
御所舩見濱ノ浦御所馬場殿二階ノ棧敷殿常ノ住居
ノ御所トカヤ五條大納言邦綱卿ノ造進セラレ里内裏
其外人々ノ家々節毛格子モ破落御簾毛簾毛絶ハテハイ
ツレカ歳ノ三年ニ痛荒ニケルコソ哀ナレ舊苔路ヲ塞テ秋
ノ草門ヲ閉瓦ニ松生テ垣ニ葛カレレリ臺傾テ苔ムセリ松
風計ヤ通ラン簾絶テハ閨顯也月影ノミツ指入ケルサラヌ
ダニモレホレハテヌル旅衣是ヲ見彼ヲ見給ニモイトバ涙ツ

袖ヌラス。母一丁位殿ハ内ニ御座。大臣殿ハ外ニ居給テ。貞能景家以下ノ宗徒ノ侍共シ御前ニ召テ仰ケルハ。積善之餘慶家ニ盡テ。積惡之餘殃身ニ及。故神明ニモ放シ。法皇ニモ被棄奉テ。帝都ヲ迷出テ。客路ニサスラフ上ハ。何ノ憑カ有ベキナレ共。誠ヤ一樹ノ陰ニ宿リ。一河ノ流ヲ渡モ。皆是先世ノ契トコソキケ。况汝等ハ。一旦隨付タル門客ニ非。累祖相傳ノ家人也。其上十善帝王ニ種神器ヲ御身ニ隨ヘテ御座。野末山ノ奥ナリトモ落留ラセ給ハシ所マテ送ツケ奉。火ノ中ニ入。水ノ底ニ沈トモ。今ハ限ノ御有様ヲモ見ハテ進スベシト宣ケレバ。並居タリケルニ百餘人ノ侍共。老モ若モ皆涙ヲ流メ。御返事申ケルハ。怪ノ鳥獸ダニモ。恩ヲ不。忘德ヲ報スト承ル。何況人倫ノ身トモ。爭年比日比ノ重恩

ヲ忘。今更我君ヲステ進ベキ。此廿餘年方間。妻子ヲ享ミ所從ヲ顧モ。一事トノ君ノ御恩ニ非ト云事ナレ。全ク一心有ベカラス。縱天竺震且ナリ共。雲ノ終海ノ終マテモ御伴仕リ侍ルベシ。御心安被思召候ベシト異口同音ニ申ケレバ。二位殿モ大臣殿モ。聊憑モ敷被思召ケルニ位殿又人々ニ被仰ケルハ。此福原ハ故入道大相國ノサシモ愛シ給シ所也。魂魄モ定テ此ニコソ住給フラヌ。今夜バカリノ遺也。西海ニ出ナシ後ニハ。再ヒ爰ヲ見シ事モ有難シ。亡魂モ如何計カハ哀ニ思召ラシ。且ハ最後ノ別也。且ハ最後ノ吊也。入道ノ爲ニ管絃講行給テ。後生ヲ吊給ヘト被仰ケレバ。大臣殿尤可然トテ。先故禪門ノ墓所被參。手自花香ソナヘテ念佛申廻向シテ。涙ヲ流シ給ケレバ。一門ノ人々モ皆袂ヲツ絞ケ

ル其中二薩摩守忠度角ノ思ツハケ給

ナキ人ニ手向ル花ノ下枝ハタラシル袖ノレホレケル哉

ト御所ニ歸佛懸奉ナンドノ管絃講ヲ被始ケリ右衛門督

清宗讚岐中將時實ハ簫ノ役薩摩守忠度越前三位通

盛ハ笛役左中將清經淡路守清房ハ笙ノ役和琴ハ丹後

侍從忠房羯鼓ハ若狹守經俊鉦鼓ハ平太納言時忠方

磬ハ平中納言教盛太鼓ハ内大臣宗盛琴二挺琵琶三

面簾中ノ役辨局太納言佐殿ハ琴普賢寺殿北政所帥

佐殿内侍局ハ琵琶ノ役法勝寺執行能圓中納言律師

忠快ハ伽陀ノ役經誦坊阿闍梨祐圓ハ式役二位僧都仙

尋ハ法華經タエクニコツヨミレケレ昔釋尊說法ノ砌ニ太

樹緊那羅カ香山ヨリ出ツハ萬肉辛ノ伎樂ヲ作り淨妙

無尋ノ歌ヲ以テ如來大會ヲ供養せシニ釋梵護世ノ諸天

天龍夜叉ノ非人マデモ琴音ニキハトレテ威儀ヲ忘タリナ

ルニ迦葉菓者ノ舞給ケルニ阿難唱歌レ給ケンモ角ヤトゾ

覺タル夫簫笛琴梵瓦篋悉中道ノ方便ニ歸レ琵琶鏡銅鈸

併法性ノ深理ニ叶ヘリ妙音大士ハ十方樂普現色身ノ

證是新ニ馬鳴菩薩ハ苦空ノ曲皆語得道ノ世ヲ可知是

ヲ以極樂界會ノ凡前ニハ聖衆俱會シテ樂ヲ催レ切利

大宮ノ雲上ニハ天人歌舞シテ袖ヲ翻ス加乏靈山淨土

ノ菩提庭ニハ菩薩證得ノ響ヲナシ安養世界ノ玉橋ニハ如

來讚嘆ノ曲ヲ奏シ常樂我淨ノ調ヘ麗クノ猶麗ク苦空無

我ノ音妙ニ更妙ナレバ不生不滅ノ曲ハ定テ虚空界ノ

風ニ通シ非有非空ノ響ハ必ズ法性海ノ波ニ和スラントゾ

覺エケルサレバ。管絃モ讀經王圓音教ニ歸シ妓樂モ講唱モ
 一實乘ニ混ノ同時丁念ノ精誠ヲ鑒ニ種廻向ノ信力ニ
 依テ志ス處ノ先人聖靈九品往生ヲ速シメ給ヘト也。迥向
 ノ伽陞モ終ケレバ吹送笛ノ聲彈終ル琴ノ音ニ。簾中モ簾
 外モ皆淚ヲ流セバ僧衆モ俗衆モ共ニ袖ゾブレホリケル。二丁
 位殿ハ今ヲ限ノ佛事ソト。貴キ中ニモ悲ク嬉キ中ニモ哀ニ
 テ。爲方ナクゾオホシケル。入道ノ弟修理大夫經盛ハ。詩歌
 管絃ニ長シ給ヘル。中ニモ横笛ノ秘曲ヲ傳ル事。上代ニモ
 類少ク當世ニモ並人ナカリナリ。二年法皇故堀河院ノ御
 爲ニ法住寺殿ニテ報恩講經供養ノ時階下ノ公卿殿上
 人。家ヲタノ舞樂ヲ奏シ給シ。經盛其時ハ東宮ノ大夫
 二テ。左ノヲモ笛ヲ仕シ。伶人舞曲ヲ盡ニ及ニテ。宮中澄渡

群集ノ諸人各袖ヲ絞テリ。上皇モ故院ノ御追善ナシハ。今
 ハ都卒天上ノ内院ニ納リ給ラント思召。龍顏ヨリ御淚ヲ
 流サセ給ケリ。入條左判官忠房公。陵王ノ秘曲ヲ舞盡ス。大
 ヒサメツキ。小膝突入日ヲ返ス。合掌ノ手終ニハ皇序ノ袖ヲ
 翻ス。其家ナラヌ人ニハ。各笛ヲトメシ。此經盛皇序ノ秘
 説ヲ吹給シカバ。法皇感感ニ不堪ヤ思召。ケン御前ノ御簾ヲ
 上サセ御座。御衣ヲ脱テ押出サセ給ケルヲ。經盛給テ階下
 ニ歸著給シカバ。男女耳目ヲ驚ス。此道ニ不懽人ハ面ヲ壁
 ニ向ヘタルモアリ懸ケル人ナレバ。心有モ心ナキモ。是ヲ惜ケ
 リ。八條中納言入道長方ノ弟。左京大夫能方ハ。經盛ノ
 横笛ノ弟子ニテ。秘曲ヲ傳給ケリ。今ニテ説ヲ殘テ落給シカ
 バ。如何ナル博推三位ハ。會坂ノ麓ニ夜ヲ重子ウチノキ府生

忠兼ハ父ヲイマシメ五逆罪ヲ犯スツト思ヘバ妻子兄弟ヲ
 振捨テ同都ヲ落給ケルガ福原ノ眺望ノ御所ニテ其州ニ
 ハ尺拍子倍臚ニハ五節ノ樂拍子底ヲ極給シカバ龍笛鳳
 曲ハ聖衆ノ座ニ連ルヤトアヤマタシ霓裳羽衣ノヨソヒシ
 天人影向スルカト見人聞人諸共ニ涙ヲ流サヌハ無リケ
 リ能方ハイツクマデモト慕給ケルヲ經感アナガチニ制レ被
 申ケレバ各殘ハ様々惜ケレ共福原ノ一夜ノ宿ヨリ都へ
 歸上給ケリヤサシカリケル様也角テ平家ハ福原ノ舊里ニ
 一夜ヲ明シキ秋ノ初風立シヨリ漸夜冷ニ成ニケリ旅寢ノ
 床ノ草枕露モ涙モ諍テクマロニ物コソ悲ケレ明ヌレハ今
 朝ヲ限ト思ツ内裏ヲ始テ人々ノ家々皆燄トツ燒上餘
 煙日ノ光ヲ抑ヘツ雲井ノ空ニツ消紛形見ニ殘ル福原

三燒野ノ原ト成シカバサユツ哀ニ思シケヌ昨日ハ東海ノ東
 ニ纏ヲ並ベ今日ハ西海ノ西ニ纏ヲ解雲海沈々トノ蒼天
 既ニ晚ナントス松風颯々トノ旅寢ノ夢モ覺ヌベレ霞孤嶋
 ニ峙テ月海上ニ浮ベリ八重ノ鹽路ヲ漕分浪ニ引シテ行
 舟ハ萬天ノ雲ニ連ラ成憑ノ鴈ニ似タリケリ海士ノ燒藻ノ
 夕煙尾上ノ鹿ノ曉ノ聲渚々ノ波音遠近舟ノ曳ヤ聲惣
 テ目ニ見耳ニ聞事ノ一トメ涙ヲ催シ心ヲ傷シメスト云事
 ナレ都ニ捨置シ妻子モ窶柄馴シ故郷モ戀シケレハ老タル
 モ若モ只泣ヨリ外ノ事ハナシ但馬守經正行幸ニ供奉ス
 トテ思續給ケリ

御幸スル未モ都ト思ヘトモ猶ナグサマヌ浪ノウヘカナ
 サテモ主上ヲ始進セテ龍頭鶴首ノ船ヲ海上ニ浮テ出サセ

給へば浪路ノ皇居靜ナラス都ヲ落シ程ユツナケレ共。是モ
遺ハ惜カリケリ。棹ノシツクニ袖濡テ古郷軒ノ忍ヲ思出
テ月ヲ浸潮ノ深愁ニ沈。霜ヲオホヘル芦ノ脆命ヲ悲。洲崎
ニ騷グ千鳥ノ聲曉ノ恨ヲ添。傍居ニカ、几楫ノ音夜半ニ心
ヲ傷シム。白鷺ノ遠樹ニ群居ヲ見テハ。東夷ノ旌ヲ靡スカト。
肝ヲ消シ夜雁ノ遼海ニ啼ヲ聞テハ。兵ノ船ヲ漕カト魂ヲ
失フ。青嵐層ヲ破テ翠黛紅顔ノ粧ヤウニ衰へ。蒼波眼ヲ穿
テ。外土望郷ノ淚抑難レサユソハ悲カリケメト。推量シテ哀
也。指メ行エハ知子共露ノ命ハ松浦船彼ハ須磨ノ關是ハ
明石浦ナト申ヲ聞給フニ。藥鹽タレツ、歎ケン昔語ノ跡々
テモ思殘ス隙ゾナキ壽永二年八月朔日京中保々守護
事任義仲注進之交名殊令警巡可加炳誠之由右衛門

權佐定長奉院宣仰別當實家卿出羽判官光長右衛門
尉有綱頼政卿孫十郎藏人行家高田四郎重家泉次郎
重忠安田三郎義定村上太郎信國華敷太郎重澄山本
左兵衛尉義恒申賀入道成覺仁科次郎盛家トゾ聞ケル

四宮御位事

主上ハ外家ノ惡徒ニ引シテ花ノ都ヲ出テ西海ノ波ノ上
ニ漂ヒ御座ラン事ヲ法皇御心苦ク思召テ可奉還上由。
平太納言時忠ノ許へ院宣ヲ雖被下。平家はヲ奉惜免進
せザリケレバカ及バせ給ハス。新帝ヲ祝奉ルベシトテ
院ノ殿上ニテ公卿僉議アリ。高倉院御子先帝ノ外三所
御座。丁宮ヲハ儲君ニトテ。平家西國へ取下進ケリ。今ハ三
四宮間ヲ可奉立歟。又故以仁ノ宮ノ御子オハレマス。

七ニゾ成せ給ケル是ハ還俗ノ人ニテ御座せドモ懸ル亂世
ニハ成人ノ主旁可宜還俗ノ事天武之例外ニ求ムベカラ
ス又昭宣公恒貞親王ヲ奉迎ラシキ還俗ノ人憚アルベカ
ラストゾ沙汰有ケル去共法皇ハ高倉院三四御子之間
ニ思召定ケレバ同八月五日彼三四宮ヲ奉迎取先三宮
ノ五歳ニ成せ給フ是ヘト仰有ケレバ大ニ面嫌マシクテム
ツカラせ給ケレバ疾ヤトテ速ニ返出シオハシマス次ニ四宮
ヲ是ヘト申サセ給ヘバ左右ナク歩ミ寄ラせ給御膝ノ上ニ
渡ラセオハシマシ御ナツカシケテ龍顔ヲ守リ上進せ給ケリ
御歳四歳ニソナラせ給法皇ハ御哀氣ニ思召御髪搔撫
サセ給御涙クミテ此宮ソ誠ニ朕ガ御孫也ケルズゾ口ナラン
者ナラバナトテカ懸ル老法師ヲバ懐ク思フベキ故院ノ少ク

オハせし顔立ニ違子バ只今ノ様ニ思出ラル、ソヤ懸ル忘形
見ヲ留置シタリケルヲ今マテ不奉見ケル事ヨトテ御涙ヲ流
サセ給ケリ淨土寺ノ二位殿其時ハ丹後殿ノ局トツ申タル
御前ニ候し給ケルカ袖ヲ絞テ被申ケルハ鬼形ノ御沙汰一
及ハス御位ハ此宮ニコソト聞エサセ給ケレバ法皇子細ニヤ
ト仰有テ定マラせ給ニケリ内々御占有ケルニモ四宮ハ御
子孫マテ日本國ノ御主タルベシトゾ神祇官并陰陽寮ナ
ト占申ケリ御母ハ七條修理大夫信隆卿ノ御娘ニテオハ
レケルガ建禮門院中宮ノ御時忍ツ、内ノ御方へ被參テ
レバ皇子サシツバキ御座シケルヲ父修理大夫平家ノ鍾愛
ヲ憚又中宮ノ御氣色シモ深ク疼給ケレ共八條二位殿
御乳人ニ付ナドセラレケリ此宮ヲバ法勝寺執行能圓法

印ノ奉養ケルガ。平家ニ付テ西國へ落ケル時餘ニ周章北
方
ヲモ不被具宮ヲモ京ニ奉忘タリケルヲ。法印人ヲ返メ急
官具シ進セテ西國へ下給ヘト。北方へ宣ヒタリナレバ。既ニ
下ラント云西八條ナル所々忍具シ進セテ出給タリケル
ヲ。御乳人ノ姝ニ紀伊守範光ト云者アリ心賢ク思ケルハ
主上ハ西海へ落下ラセ給ヌ。法皇都ニ留ラセ給メレバ。御
位ヲバ定テ。四宮ニゾ讓ラセ給ハズラン。神祇官ノ御占モ
未憑モレキ事也トテ。二位殿ノ宿所ニ參テ尋申ケレバ。西
國ヨリ御文有ト云忍テ此御所ヲハ出サセ給ヌト答ケル間
コハ淺増キ事也ト思察キ所此コ彼コ搜尋進セテ。唯今君
ノ御運ハ開ケサセ給ベシ物ニ在ハセ給テ。角ハ出立給カ。西
國へ落下ラセ給タラバ。君モ御位ニ立セ給ヒ御身モ世ニオ

ハセズルニヤトテ。大ニ頓腹立テ取留メ進セタリケルニ。翌
日法皇ヨリ御尋アリテ。御車御迎ニ參テ。角定ラセ給ケリ。ツ
モ帝運ノ可然事ト申ナガラ。範光ハユ、レキ奉公ノ者也ト
ソ人申ケル。七條修理大夫信隆卿ハ白雞ヲ千羽飼ヌレ
バ。必其家ニ王孫出來御座ト云事ヲ聞テ。白雞ヲ千羽ト
志ノ飼給ケル程ニ。後ニハ子ヲ生孫ヲ儲テ。四五千羽モ有
ケリ。影ナトハ云計ナシ。鳥羽田井。西京田ナトニ行テ。稻ヲ
揜シ麥ヲ失フ。懸ケレバ。信隆ノ雞トテ人モテアツカヘリ。此コ
彼コニソ打殺ケレ共。生子ハ多シ。七條八條ニ充滿テ。盡ベ
キ様モ不見ケリ。誠ニ其驗ニヤ有ケン。四宮位ニ即セ給フ。
義仲ハ高倉宮ノ御子即位ノ事。内々泰經卿ニ申旨有ケ
レバ。同十四日ニ。俊曉僧正ヲ以。義仲ニ御尋アリ。勅答ニハ

國主ノ御事。為邊鄙之民。不能申是非。但故高倉官為奉
慰法皇之。啟慮被失御命。御至孝之。趣天下其隱ナシ。爭
不被思召哉。就中。以被親王宣源氏等。舉義兵。已成大
事畢。而今受禪沙汰之時。此宮ノ御事。偏二被奉棄置。不
及議中之條。尤不使ノ御事也。主上。已二為賊徒被取籠
給ヘリ。彼御弟何シ。強二可被奉尊崇哉。此等ノ子細更
二非義仲之所存。以軍士等之申狀。言上スル計也。ト申ケ
レバ。人々義仲申狀。非無其謂トゾ申合シケル

維高維仁位論事

昔文德天皇ノ御子ニ。維高親王。維仁親王トテ。御兄弟
二人御座ケリ。維仁ハ第一ノ王子。維高ハ第二ノ王子也。
互ニ御位ヲ御意ニ懸サセ給ヘリ。天皇モ分ル御方ナク。難

兼御事共ニテ。敬慮思召。煩ハセ給ヘ共御嫡子ナレバ。維
高親王トソ。内々ハ被思召ケル第一ノ王子。維高親王ト申
ハ。御母ハ從四位下左兵衛佐。名虎方女。從四位上。紀靜
子ト申。第二ノ王子。維仁親王ト申。御母ハ太政大臣良房
忠仁公御女。藤原明子。後二ハ染殿后ト申。是也。一宮ノ
御事ヲバ。外祖紀名虎取。立奉ラントテ。帝運ノ可然ニテ。第
一ノ王子ニ出來御座セリ。御恙ナシ。サレバ御位ハ此公ニソ
ト。類ニ内奏申ケリ。一宮ノ御事ヲ。外祖ニテ忠仁公奉取
立トテ。一宮ハ落胤。腹名虎方御女也。次弟ハ是執柄家ノ
御女后立王子也。子細ニヤ。及バセ給フヘキト。平二被内奏
ケリ。此事誠ニ難題ニテ。公卿僉議アリ。就勝負御位ヲ可被
進トテ。初二ハ八幡ニ臨時ノ祭ヲ居テ。十番ノ競馬アリ。四

番ハ一宮ニ付六番ハ一宮ニ付此ハ維仁親王御位ニ
 即給フベカリケルヲ天皇猶御心不飽思召ケレバ後ニハ本
 内ニ相撲ノ節會ヲ被行テ重テ勝負ヲ有敵覽有御
 讓下儀奏有ケレバ維高御方ニハ即外祖左兵衛位名虎
 參ケリ恩愛ノ道コソ哀ナレ今年三十四太高三尺計ノ
 男六十人ガ力アリト聞ユ維仁ノ御方ニハ能雄少將トテ
 細小男行年二十ナベテノ力人ト聞ユ共名虎三可
 敵對モノニ非ス去共果報冥加ハ二官ノ奉任御運トテ
 不敵ニ申請テソ參ケル旁有御祈師一官ノ御方ニハ東
 寺ノ栢木ノ真濟僧正也德行高顯テ修驗譽廣天皇御
 歸依ノ僧ナリケレハ各虎是ヲ奉語付ケリ一宮御方ニハ
 延曆寺惠亮和尚也行業年ヲ重テ薰修日新也忠仁公

卜深ク師檀ノ契ヲ結給ケルニ依テ被奉付ケリ惠亮ハ西
 塔寶幢院ニ壇ヲ構テ大威徳ノ法ヲ修セラレケリ真濟ハ
 東寺ニ壇ヲ立テ降三世ノ法ヲ行給ケリ昔金剛薩埵南
 天ノ鐵塔ヲ開テ太日如來ニ奉值秘密瑜伽ノ教法ヲ傳
 受シ給シヨリ以來佛法東漸シテ真言上乘日域ニ弘通セ
 リ弘法大師ハ龍樹菩薩ノ後身鷲峯說法ノ聽衆也昔
 威光菩薩トシテハ日宮ニ居レテ脩羅ノ軍ヲ禦キ今遍照金
 剛トシテハ日本ニ住メ金輪聖王ノ福ヲ増木ニ如來ヨリ第
 八代惠果和尚ノ瀉瓶嫡弟也慈覺大師ハ觀音大士ノ
 垂迹ニ乘弘通ノ薩埵也清涼山ニ詣メハ親リ生身ノ文
 殊ヲ拜シ歸朝ノ海上ニハ彌陀如來波ノ上ニ化現シテ
 引聲ヲ傳ヘ給ヘリ善無畏不空ヨリ五代入室ノ孫弟也

而ヲ慧亮ハ慈覺ノ弟子。真濟ハ弘法ノ弟子也。東寺ハ長安
 城ノ南ノ端。山門ハ洛陽城ノ良ノ峯。共ニ鎮護國家ノ道場
 也。同大權垂迹ノ法弟也。降三世ハ東方藥師ノ教。令輪
 身。凶面八臂ノ形也。惡魔ヲ三世ニ降メ。求ク三毒ノ根ヲ
 斷歸敬者ハ官難ヲ拂利生アリ。大威徳ハ西方彌陀ノ教。
 令輪身。六面六臂ノ姿也。威勢ヲ一天ニ振テ。必行者ノ望
 ヲ成。仰信スル輩ハ天子ニ上ル効驗アリ。共ニ五大明王ノ
 隨上。又東西守護ノ忿怒也。利益區ニ施シ。威權各新ナル
 上。東寺天台秘密ノ上乘タリ。入室馮瓶牛角ノ驗者ナレバ
 慧亮精誠ヲ盡シ。真濟肝膽ヲ碎タリ。懸リケレバ。此條トミニ
 事行難クヤアラニスラント云者モアリ。又明主ニハ勝劣ナケ
 レ共。行者ノ至心懇念ニコソヨラメト云者モアリ。又慧亮真

濟行徳ニ。甲乙アラジ。丹ラバ然ニハカラノ強弱ニコソヨルベケ
 レト云者モアリ。又天運ハ凡夫ノ測ベキ事ニ非。只帝徳ノ
 可然ニコソト。上下ノ口々其説サレク也。既其日時ニ成テ
 レバ。各虎ト能雄ト出合タリ。殆金剛力士ノ如シ。堂上階
 下目ヲ澄テ是ヲ見。門外門内足ヲ爪立テ是ヲ望。源深ノハ
 不流。盡根全ノハ枝不枯。習也。以祈誓効驗。行徳ノ淺深
 ヲ可知事ナレバ。東寺天台雨門ノ貴僧高僧。惠亮真濟
 歸依ノ若男若女。各手ヲ把心ヲ迷ハセリ。法ニ偏執ハナケ
 レ共。互ニ勝負ノ方人タリ。能雄各虎寄合テ。手合スルヲ見
 ニ。各虎元來大カナレハ。腕ノ力筋大股ノ村肉籠タリ。支ノ
 成付骨ノ連様。有ノ渡廣足ノ跋扈外見ニ可迷。惑之處ニ
 能雄ガラテクヒ取テ引寄。高ク指上テ曳。聲ヲ出メ抛タリケ

ルニ上下見物之男女老少アハヤニ宮ノ御方打負手ニ
入又ト思程ニ一丈餘被抛テ危ツクトレテコソ立タリテ
し見人戲呼々々ト感嘆セリ又寄合互ニ曳聲出ソ時移
ル迄カラカフタリ各虎ハ松ノ立ルガ如ク蚊虻テ動サリケル
ヲ能雄ハ藤ノ纏ガ如ク身ニ縷付ツ小頸小脇ヲ搔詰
テ内搦外搦大渡懸小渡懸弓手ニ廻妻手ニ廻ノ逆手
ニ入様々ニコソ拵タリナレ是ヤ此品治北男丹治是平佐
伯希雄紀勝聖近江薑伊賀枯丸ト聞エシ貢御白丁モ
是ニハ争カ可勝トゾ見人興ヲ増タリケル勝負ハ未ナレ元
來力勝リ也各虎勝又ト見エケレバ一宮ノ御方ヨリ公東
寺へ使ヲ被立ケリ忠仁公ヨリハ二宮ノ御方既危ク侍ト
使者ヲ山門へ被立事追繼々々ニ擲ノ齒ノ如シ和尚コハ

心苦キ事哉此時不覺ヲ我山ニ殘サシ事口惜カルベシ
二宮ニ即給ハスバ命主テモ何カハセントテ熾盛ノ念カ
ヲ抽テツ、爐壇ニ立タル劔ヲ技健把テ自頭ヲ突破腦ヲ
擡キ芥子ニ入香ノ煙ニ燃具ノ歸命頂禮大聖大威徳明
王願ハ能雄ニカヲ付給ヒ勝事ヲ即時ニ令得給ヘト黒煙
ヲ立テ汗ヲ流ノ操ニ操テ祈給フ生佛本ヨリ隔ナシ信力
本尊ニ通ジ本尊行者ニ加シケレバ大威徳ノ乘給ヘル水
牛爐壇ヲ廻ル事ニ度聲ヲ揚テツ吠タリケル其聲大内ニ
響ケレバ能雄ニカゾ付ニケル各虎其聲ヲ聞ケルヨリ身ノ
力落テ心惘然テ覺エケル廻ヲ能雄各虎ヲ脇ニ引掖南庭
ヲ三廻ノ其後曳ト云テ抛タレバ各虎大地ニ被打付テ血
ヲ吐テ不起上藏人等走寄太内ヨリ昇出メ家ニ返シ遣タ

リケレハ。二月有テ死ニケリ。惠亮腦ヲ摧シカハ。能雄ニカハ
付ニケリ。各虎相撲ニ負シカバ。維仁位ニ即給フ。清和帝ト
申ハ。彼親王ノ御事也。維高親王ハ御位叶ハサリケレバ。
小野里ニ引籠給ケリ。小野親主トハ是也。又ハ持明院ト
モ申ケリ。山陰中納言。昔ノ好ヲ思出メ。時々事問給ケリ。
天子ノ御位ハ人カノ及所ニ非ズ。天照太神ノ御計ト申
ナガラ。惠亮ノ効驗。山門ノ面目ニテ。御嫡子ヲ越テ。次第御
位ニ即給ヘリ。其ヨリノ山門ノ訴狀ニハ。今ノ代ニテモ。慧亮
碎腦尊意振劔トハ書トカセ懸タメシモアリ

阿育王即位事

昔天竺摩訶陁國ニ頻頭沙羅王ト云。國王御座ケリ。是ハ
阿闍世王ノ孫也。キ彼王ニアマタノ太子御座。其中ニ太郎

ヲ須子摩ト云。二郎ヲ阿須迦ト云。二郎ハ形貌醜惡ニノ。殿
膚也。心操不敵ニノ。狼藉ニ御座ケレバ。父ノ大王大ニ惡シ
テ。御位ニテノ事思寄給ハズ。太郎ハ形貌端嚴ニノ。御心人
間ノ類トモ覺ヘサリケレバ。大王不斜寵愛ニ給テ。御位ヲ讓
給ハント覺シケリ。爰ニ頻頭沙羅王病ノ床ニ卧給タリケル
折節。德刃尸羅國ノ凶賊王命ニ隨ハスト。聞エケレバ。太郎
太子須子摩ヲ。大將軍トシ。官兵ヲ相副テ。彼國へ指遣ス。
大王病及獲麟給テ。未嫡子須子摩歸上給ハズ。去共年
比ノ任本意位ヲ讓ラントレ給ケルニ。帝釋空ヨリ天降給テ。
十善ノ寶冠ヲ。次郎阿須迦太子ニ授著給ケリ。父ノ頻頭
沙羅王是ヲ見テ。大惡心ヲ起シ。血ヲ吐テ失給ニケリ。城護
大臣ト云。一ノ大臣ト。阿須迦太子ト同心シテ。位ニ即給フ

須子摩凶賊ヲ平ゲ。國ヨリ還上給テ。此事ヲ聞兵ヲ集テ。阿須迦王ヲ誅セントシ給ケリ。城護大臣又官兵ヲ集テ。大内ノ門々ヲ固テ。禦戰ハント構タリ。須子摩先陣ニ進テ。城護大臣ノ固メタル門前ニ押寄タリ。大臣畏テ申テ云。臣ハ是國ノ輔佐依王命故ニ守門計也。君又即位シ給ハ。臣又可隨其命必シモ臣ガ非結構阿須迦王之固給ヘル正門ニ向テ。雌雄ヲ決シ給フベシ。臣ガ門ヲ破給ハン事ニサニ御本意ニアラビト申ケレバ。イフ敷。尤道理也トテ。正門ニ向給フ。城護大臣又敵ヲ亡サント謀ラ。ツツ廻タル。木ヲ以テ。阿須迦王ノ像ヲ造リ。太象ニノせ奉テ。門前ニ進出テ。前後ニ兵ヲ集メ。陣ノ前ニ廣ク深キ火ノ坑ヲ用意シ。煙ヲ徐ヘ立テ。坑ノ上ニ沙ヲ積平々タル庭上ニレツラヒテ。官兵城ト引退

ハ。須子摩勝ニ乗テ。馳競ハン時。火坑ニ落シ入テ。燒亡サント支度シタリ。須子摩爭カ可知名レバ。數萬ノ軍ヲ召具メ。正門ニ向ヒ時ヲ造テ。阿須迦ヲ責ム。阿須迦象ノ口ヲ引返シ。官兵ヲ相具メ。門ノ内ヘツ引退ク。須子摩勝ニ乗テ。攻入處ニ。數萬ノ軍ト相共ニ。火坑ニ馳入テ。一時力程ニ燒死ニケリ。無慙ト云モ疎也。阿須迦王終ニ四海ヲ治給フ。阿育太王ト申ハ。彼太子ノ事トカセサレバ。王位ハ輒ク不可及人臣之計。天地人ノ三門ニ通ジ。可依神明佛陀之御惠事ト覺ヘタリ。天竺ノ阿育ハ。帝釋冠ヲ授給ヒ。我朝ノ清和ハ。慧亮碎腦給ケリ。彼ハ天神ノ助成。是ハ佛法ノ効驗也。義仲行家受領事。同六日平家ノ下類。公卿殿上人。衛符諸司。百八十人被

止官職平大納言時忠卿父子三人ハ此中ニ漏タリ。十
善帝王三種寶物可奉返入由彼人ノ許へ仰遣サレケルニ
依也。八月十日法皇蓮華王院ノ御所ヨリ南殿へ移ラセ
給フ。其後三條大納言實房左大辨宰相經房參給テ被
行除目ケリ木曾冠者義仲左馬頭ニナリテ越後國ヲ給ル。
十郎藏人行家備後守ニナル各國ヲ嫌ヒ申セバ十六日
ノ除目ニ義仲ハ伊豫ヲ給リ行家ハ備前守ニ移ル安田三
郎義定近江守ニナル其外源氏十人軍功賞トテ勒負尉
兵衛尉ニ成テ使ノ宣ヲ蒙者モ有ケリ此十餘日ガ先マデ
ハ源氏追討ノ宣旨ヲ被下テ平家コソ加様ニ勸賞ニモ預
レニ今ハ平家誅戮ノ爲ニトテ源氏誇朝恩ケリ好生毛羽
惡成瘡朝承恩暮賜死ト云本文アリ誠ニ定ナキ世ノ習ト

ハ云ナガラ引替タル哀サニ心アル人々ハ思連テ袂ヲツ絞
ケル院ノ殿上ニテ除目行ハル先例ナシ今度始トゾ聞エ
レ珍シカリケル事也

平家著太宰府付北野天神飛梅事

八月十七日ニ平家ハ筑前國御笠郡太宰府ニ著給ヘリ。
菊地次郎高直完戸諸卿種直白杵戸槻松浦黨ヲ始ト
シテ奉守護主上如形被造皇居タリ彼大内ハ山中ナリケ
レバ木丸殿トモ云ツベシ人々ノ家々ハ野中田中ナリテ
ハ草深ノ露繁シ麻ノサ衣ウタ子共十市ノ里トモ云ツベシ。
稻葉ヲ渡ル風ノ音一人九寝ノ床ノ上片敷袖ゾシホレケ
ルサテユソ平家ノ人々ハ大臣殿ヲ奉始安樂寺ニ詣給
詩ヲ作歌ヲ讀ナドメ手向給ケル中ニ皇后宮亮經正角

詠じ給ケル

住ナレシフルノ都ノ戀レサニ。神モ昔ヲワスレ給ハジ

北野天神ハ。依時平大臣之讒訴。延喜五年正月廿五日

ニ。安樂寺ニ遷サレ給フ。住ナレシ故郷ノ戀レサニ。常ハ都ノ

空ヲゾ御覽ジケル。比ハ二月ノ事ナルニ。日影長閑ニ照レツ

ツ。東風ノ吹ケルニ。思召出ル御事。多カリケル中ニ

コチ吹バニホヒオコ世ヨ梅ノ花アルジナレトテ春ヲ忘ナ

ト詠ジケレバ。天神御所高辻。東洞院。紅梅殿ノ梅ノ枝割

折テ。雲井遙ニ飛行テ。安樂寺ヘツ參ケル櫻モ御所ニ在テ

ルガ御歌ナカリケレバ。梅櫻トテ同ク離ノ内ニツタテ同御所

ニ枝ヲカハシテ有ツルニ。如何ナレバ梅ハ御言ニ懸リ。我ハヨ

ソニ思召ルラント奉怨テ。一夜ガ中ニ枯ニケリ。サレバ源順ガ

梅ハトヒ櫻ハ枯又菅原ヤツカクヅ憑ム神ノ誓ヲ

懸ル現人神ナレ共。歸京ヲ赦シ給ハズ。終ニ其ニテ隱サセ給

ヒケル御歎。我身ニツマレテ。經正モ思ツバケ給ケリ。誠ニ神モ

哀ト覺シケシ中ニモ貴キ事アリケリ。人々詩作り歌ヨ三ナド

シテ。社頭ノ地形庭上ノ古木立寄々々シ給ケルニ。サテモ

昔紅梅殿ヨリ飛參ケル梅ハ。何シナルラント。口々ニ云テ見

廻給ケルニ。何國ヨリ共ナク。十二三計ノ童子化現ノ。或古

木ノ梅ノ本ニテ

是ヤ此コチ吹風ニサツハレテアルジ尋シ梅ノ夕チエハ

ト打詠メ失ニケリ。北野天神ノ御影向ト覺テ。各渴仰ノ頭

ヲ傾ケ給ケリ

還俗人即位例事

同十八日。左大臣經宗堀河木納言忠親。民部卿成範。皇右宮權大夫實守。前源中納言雅賴。梅小路中納言長方。源宰相中將通親。右大辨親宗。被祭入テ。即位并劍鏡璽宣命尊號事等議定アリ。頭辨兼光朝臣。諸道ノ勸文ヲ下ス。左大臣二次第ニ被傳下ケリ。神鏡事偏ニ存如在之儀。還有其恐。暫定其所。可被待歸御歟。劍璽事於本朝更雖無例。漢家之跡非一。先有踐祚可被待歸來歟。御劍ハ可備議式。尤可被用他劍者歟。即位事八月受禪。九月即位。圓融院也。而天下不靜事卒爾也。十月例光仁寬和ナリ。可依一代者。十一月二可被行。而今年即位以前朔旦嘉承無出御。不吉事也。十月旁可宜歟。任治曆之例。可被用官廳紫震殿歟。舊主尊號事。

若無尊號者。天可似有二主。尤可有沙汰歟。宣命事任外記勸狀。可被用嘉承例之由。一同二被定申ケリ。同日平家没官ノ所領等源氏等二分給フ。惣五百餘箇所也。義仲百四十餘箇所。行家九十箇所也。行家申ケルハ。所相從之源氏等。更非同籍之郎從。只相從戰場討也。私ニ支配之條。彼等不存恩賞之由歟。尤可被分下申ケルヲ義仲ハ此事爭悉被知。召功之淺深。義仲相討可分與トゾ申ケル。兩人ノ申狀何モ非無謂ゾ聞エケル。今日行家義仲等聽院昇殿本ハ候上。北面シケリ。此條驚ベキニ非ト云ヘ共。官位俸祿已如所存カ。奮心ハ人トソ皆存セ儿事ナレ共。今稱勳功日々重疊ス。尤頼朝之所存ヲ可思兼歟トゾ人々被申合ケル。同廿日法住寺ノ新御所ニテ高

倉院第四王子有踐祚春秋四歲在大臣召大内記光
 輔踐祚事太上法皇ノ詔旨ヲ可載也先帝不慮二脫
 事又攝政事同可載ト仰る次第ノ事ハ不違先例トモ
 墮ナクソ踐祚事漢家ニハ雖有光武跡本朝ニハ更無先
 例此時ニゾ始タル内侍所ハ如在ノ禮ヲ被用ケル舊主
 已被奉奠號新帝踐祚アル共西國ニハ又被奉帶三種
 神器受寶祚給テ于今在位國似有二主歟叙位除目
 已下事法皇宣ニ被行之上者強ニ急ギ無踐祚トモ可
 有荷苦但帝位空例本朝ニハ神武天皇七十六年丙子
 崩綏靖天皇元年庚辰即位一年空懿德天皇二十四
 年甲子崩孝照天皇元年丙寅即位一年空應神天皇
 二十一年庚午崩仁德天皇元年癸酉即位二年空繼

體天皇廿五年辛亥崩安閑天皇元年甲寅即位二年
 空而今度ノ詔ニ皇位一日不可曠被載事旁不得其心
 トゾ有職ノ人々難レ被申ケルサレバ異國ハ不知我朝ニ
 ハ神武天皇ハ地神第五代ノ御讓ヲ真御座シヨリ以來
 故高倉院ニ至ラセ給マテ八十代其間ニ帝王オハレサテ
 或一二年或三年ナド有ケレ共一人ノ帝ノ御座事未聞也
 ノ未ナレバヤ京田舎二人ノ國王出來給ヘリ不思議也ト
 ソ申ケル平家ハ四宮既ニ御踐祚ト聞テ哀三四宮ヲモ皆
 取下奉ルベカリ者ヲト被申合ケレバ或人ノサラマレカバ
 高倉官ノ御子ヲ木曾冠者ガ北國ヨリ奉具上タレコソ位
 ニハ即給ハンス共ト云ケレバ平太納言時忠兵衛佐尹
 明ナドノ如何出家還俗ノ人ハ位ニ即給ベキト宣ケレバ又

或人申サレケルハ異國ニハ則天皇后ハ唐太宗ニ奉養居上
ナリ威業寺ニ籠給タリケルガ再高宗ノ后ト成世ヲ治給ヒ
程ニ高宗崩御ノ後位ヲ讓得給テ治天下給ケリ中宗皇
帝ハ入佛家玄奘三藏ノ弟子ト成佛光主ト申ケシ共
則天皇后ノ讓エテ崩御ノ後還俗シテ即位給ヘリ我朝
ニハ天武天皇大友皇子ノ難ヲ恐テ春宮ノ位ヲ退メシク
テ大佛殿ノ南面ニ御出家アリシカ共終ニ大友皇子ヲ
討テ位ニツキ給ヒキ孝謙天皇ハ位ヲサリテ出家シ御名ヲ
法基ト申シカ共大炊天皇ヲ奉流又位ニツキ給ヘリ今度
ハ稱徳天皇トゾ申ケルガ出家ノ人モ即位給事ナレバ
木曾カ官モ難カルベキニアラスト申テ咲ナトシケルトカヤ
源平盛衰記卷第三十二終

